

鄱陽縣志

卷十九

藝文

四

詩

四古
七律

五古
排律

七古
絕句

五律

卷二十

藝文


五

叢譚

書目

鄱陽縣志

目錄



藝文詩

四言古

晉

贈鄱陽府君張仲膺

五章

陸雲

神林何有竒華妙實皇朝如何窮文極質斌斌君子升堂
入室太上有矐子誕其輝知機日難子達其微入輔帷幄
出御千里滔滔江漢南國之紀

謁帝東堂剖符南征天子命我車服以榮何以潤之德被
蒼生何以濟之威振羣城却愚以化崇賢以仁鳳舒其翮
龍濯其鱗憶彼荒蕪莫敢不賓雖云舊邦其命維新

鄱陽縣志

卷十九

四古

卞和南金終始一色顯允君子窮達一德弘仁厲道物寃
其極古賢受爵循墻虔恭今哲居貴履盈如冲接新以化
受舊以豐隆此嚶鳴悖彼谷風

忠至寵加孝至榮集內崇南芬外清名邑煒煒棠棣夔增
其華猗猗桑梓厥矐孔多被繡畫行昔人攸美階雲飛藻
孰與同祭

人道伊何難合易離會如升峻別如順淇嗟我懷人曷云
其來貢言執手涕既隕之

五言古

唐

潯陽送弟昌峒鄱陽司馬作

李白

桑落洲渚連滄江無雲烟潯陽非剡水忽見子猷船飄然
欲相近來遲杳若僊人乘海上月帆落湖中天一覩無二
諾朝歡更勝昨爾則吾惠連吾非爾康樂朱衣白銀章上
官佐鄱陽松門拂中道石鏡迴清光搖扇及干越水亭風
氣涼與爾期此亭期在秋月滿時過或未來兩鄉心已斷
吳山對楚岸彭蠡當中洲相思定如此有盡窮年愁

題王少府堯山隱處簡陸鄱陽

劉長卿

鄱陽縣志

卷十九

五古

故人滄洲吏深與世情薄解印二十年委身在邱壑買田
楚山下妻子自耕鑿羣動心有營孤雲本無着因收溪上
綸遂接林中酌對酒春日長山村杏花落地生鄱陽令獨
步建安作蚤晚休此官隨君未栖託

夜泊鄱江

白居易

明月落深浦愁人臥孤舟煩寃寢不得夏夜長于秋苦乏
衣食資遠為江海遊光陰坐遲暮鄉國行阻修身病向鄱
陽家貧寄徐州前事與後事豈堪心併憂憂來起長望但
見江水流雲樹藹蒼蒼煙波淡悠悠故園迷處所一念堪
白頭

送吉中孚歸楚州舊山

盧綸

青袍芸閣郎談笑揖侯王舊籙藏雲穴新詩滿帝鄉名高
閑不得到處人爭識誰知冰雪顏已禿風塵色此去復如
何東臯岐路多蒿茅臨紫陌回首憶滄波年來倦蕭索但
說淮南樂並檝湖中遊連檣月下泊沿潤入閭門千燈夜
市喧喜逢隣舍伴遙語問鄉園下淮風自急樹杪分郊色
送客隨岸行離人出舫立漁村遶水田澹浦隔晴烟欲就
林中醉先期石上眠林昏天未曙且向雲邊去暗入無路
上心知有花處登高日轉明下望見春城洞裏草空長塚
邊人自耕寥寥行異境過盡千峰影露色凝古壇泉聲落

鄱陽縣志

卷十九

五古

宋

鄱陽酬泉州曹使君見寄

范仲淹

吾生豈不幸所稟多剛腸身廿一枝樓心苦千仞翔志意
苟天命富貴非我望立談萬乘前肝竭喉無漿意君成大
舜千古聞羶香寸懷如春風思與天下芳片玉棄且在雙
足何辭傷王章死於漢韓愈逐諸唐獄中與嶺外妻子不
得將義士撫卷起眦血一露裳胡弗學揭厲胡弗隨低昂
干時宴安人滅然已不揚匹夫虎敢鬪女子熊能當况彼
二長者烏肯巧如簧我愛古人節皎皎明於霜今日貶江

微多慚韓與王罪大禍不稱所損傷纖芒盡室來官下居
恩大難忘酒聖無隱量詩豪有餘章秋來魏公亭金菊何
煌煌登高發秘思聊以據吾狂卓有梅聖俞作邑郡之旁
矯首賦靈鳥擬彼歌滄浪因成答賓戲移以贈名郎泉南
曹使君詩源萬里長復我百餘言疑登孔子堂聞之金石
音純純自宮商念此孤鳴鶴聲應來遠方相期養心氣彌
天浩無疆鋪之被萬物照之諧三光此道果迂濶陶陶吾
醉鄉

送王炳之之饒州

孔武仲

衡門喜見過相與話行色江左昔之官鄱陽飽從役重湖
鄱陽縣志 卷十九 五古 三
繞官舍塵不到旌戟綠水平朱欄青山臨畫鷁魚來城市
富廡下沙汀黑玉楮光動毫瓊杯香泛席固知足優游但
恐少賓容聚散寧易忘登臨倘相憶

同李端臣遊薦福寺禪院

劉 弇

相期采真游驟得青蓮界戴公舊樓隱締構化祇滅古老
張祖乘參兒走巾餅百年沸魚鼓四牡聯青冥白門三面
水天末蘋風起衣重蹇濕雲苔幽涼屐齒南來雙春鋤乾
雪點晴湖憐渠足閑淡恍欲與之俱蟹眼課谷汲分餉雲
腴泣落日轉金繩林暝歸鳥急束身事幽探稅駕苦不早
及茲一蹶然徵君孰傾倒

餘千翁簿以予去饒之日郡人斷橋挽留畫圖賦詩

見寄因次其韻

王十朋

我慕鄭子真躬耕老巖谷不慕蘇季子腰金詫宗族失脚踏塵網回頭念幽獨向來鷓鴣行進退慚碌碌把麾鄙君國飲水清灣曲緬懷九賢人痛閔千里俗奉揚乏仁風黎庶困炎燠疇能政有成敢望諾無宿厚顏叨祿廩汗背擁旌纛命下忽夔門諸公孰推轂水陸三千里湖重嶺仍複至喜謁文忠秭歸懷李蠹鄙人憐老守去類楚臣逐出門橋已斷擁道頗爭威初無龔黃政濫繼秦侯躅仇香舊同僚別寄兩竿牘賦詩仍畫圖開卷宛在目清音滿干越餘

鄱陽縣志

卷之十九

五古

四

韻到巴蜀我有二頃田荒蕪滿山腹願畫歸去來芒屨事耕育

四月十三日渡鄱陽湖

楊萬里

泊舟番君湖風雨至夜半求濟敢自必苟安固所願孤愁知無益暫忍復永歎夜久忽自睡倦極不知旦舟人呼我起順風不容緩半篙已湖心一葉恰鏡面仰見雲衣開側視帆腹滿天如琉璃鍾下覆水晶椀波光金汁瀉日影銀柱貫康山杯中埵盧阜帆前幔豁然地無蒂渺若海不岸是身若虛空御風游汗漫初憂觸危濤不意拾竒觀近歲六暄涼此水三往返未涉每不寧既濟輒復玩遊倦當自

歸非為猿鶴怨

元

左丞相江文忠公 萬里

劉堦

匡廬雲錦屏鴻儒產其下風神儼如龍天矯莫可駕卷懷
經濟具婆娑洛中社怪事玉牀搖清晝天忽夜突騎從何
來陰風飄屋瓦大臣義有死欲避吾不暇庭前環止水萬
事付一捨從容友靈均朝野動悲吒愍章極哀榮汗簡誰
記者倘有南董書季方足堪亞 公第萬頃

故南臺侍御史周公挽辭

王逢

周氏饒望族自宋世德茂鶴林臥麟岡山脉萃芝秀篤生

鄱陽縣志

卷十九

五古

五

侍御公猶駢在天廡襁褓器大父青佩齒國胄諸經內淪
浹百氏旁研究鸞鳳暫枳栖鴛鴦尋羽選冰銜十職館相
府六衣繡薦掌西曹兵雨聽南垣漏灤京侈篇翰海嶽肅
邊豆太子端本時古傳躬口授遂致問龍寢因或爽雞候
江東遭亂去吳下為時救非同使尉佗常存論廷奏時將
巨寓公垂白竟拂袖朝廷整風紀堅志起不復嘉魚兼蓐
菰小塢轟岩岫短筇杖琅然逍遙幾心蜀齊雲樓始燬承
露盤既仆新亭對泣暮錦衣獨歸晝祿賜無羸金鄉飲惟
醇酎含悽歌黍離委順正叩首孔殘真伯仲張綱孰先後
逢也楚狂人頻年展良觀拙詩序高文家訓贊大籀楷書

河清頌儼若臨九奏興來赫蹏賤徃徃法急就數謂糜鹿
安合置文王囿桑樞原憲貧飯顆杜陵瘦有懷感長笛無
才傳耆舊玉雪梅花坡寒盡想春透脩脩豹尾車昨夢過
圭竇朔庭烟草豐靈其祐巡狩

登法雲寺

黎廷瑞

偶與幽人期頗愜滄洲趣嵐影倒虛碧天光澹晴素烟橫
雙鷺起木落孤帆度凭闌足清眺隱几得元悟顧此半日
閒愧彼經年任更遲雪中來臨風看瓊樹

芝嶠晴雲

葉蘭

英英山中雲雲深迷遠道山人入雲中鋤雲種芝草郁郁

鄱陽縣志

卷十九

五古

六

芝草華雲根歲時好采掇和雲食療饑卧雲島

松岩幽居

幽居構林壑景序暢游寓簡牘綴餘篇文甚樂清聚軒窓
豁瀟灑島徑叠迴顧蒼松日龍葱環圍畫嘉樹涼飈諧雅
奏白晝暝寒露樹喧興遠思澹然適佳趣懷茲貞素心悠
悠託遲暮

明

百哀詩

凡六十六人內摘錄鄱產者十二首

劉彥昂

邑人

朱原立

名基篤學潛心名登鄉舉晚遇兵塵之荏苒守志林壑以自高

門對箕山雲喬木蔭桃李隣曲誰往還鉛槧塵滿几馬蹄

踏槐花捧檄為親喜古市今蕭條人稱紫陽里

王有成

名釐官翰林編修 蚤肄舉業莫利有司 詩宗蘇黃不尚浮靡充名玉署未展所懷

城南清虛堂偉矣珊瑚器總深寒雞早囊古秋螢悴簪筆

侍玉墀趨班掌金匱淪落傷遺文虹光斗牛避

章復齋

名復官知府 早去鄉閭游宦藩省既 紆經濟歷郡剖符投老歸與藻翰自樂

兵塵辭閭里游宦歷藩府乘運攀雲鱗歷郡剖符虎扁舟

載琴冊衣錦照桑梓日以文翰娛耆年傲林圃

周伯溫

名伯琦官左丞 早歷臺省文藻彬郁篆籀 精深流聲中外暮年流寓于南國傷心莫致

其忠 愛馬

簪纓著江右蚤負臺閣英嶺梅持憲節中朝播文聲篆法

鄱陽縣志

卷十九

五古

七

攻史籀古勁追陽冰歸來老鄉國荒隧照秋螢

劉潤芳

名琮玉 性度高爽好吟 善醫樽俎 恢諧交遊多致

劉翁最脩頤灑灑多醞藉陶情樂三餘賣藥不二價詩章

每吟哦談謔佐尊竿風致今已無苔荒斷碑鏤

葉楚庭

名蘭號醉漁 從宦於浙頗擅風騷以酒託 懷詩律清敏厭世俗之膠轄寧捉月以自逝

馬

船頭酒百壺船尾書百冊閑騎桃花馬醉弄西湖月狂吟

捲秋濤聲撼扶桑折滄海無還期哀魂楚雲結

蔣貴和

名惠官左司員外 乘運致身留心文學 官能廉幹于律精明自任鈞深物少容恕

蚤年志詩書于律獨精熟官守著廉能刻苦拯頹俗歸來

半畝園種此三徑竹對客無酒錢塵釜少儲粟空遺舊交
徒長哀酌醺醪

吳用晦 官訓導 灣月如昨故澤猶存健駟
風推文藻增慨其祖月灣先生也

滄灣俯空寒老月懸古色殘花漂斷沼野徑繞荒宅王珣
稱短簿牙笏猶故澤文藻遺江山蒼茫暮煙隔

黃季倫 校官 妙齡筆札史局騰英揮檄南歸養素
林下託詩寄興禮佛清齋將希志于遠公繼

踪於蓮社歟

折節委榮寵頓將生死齊秋荷補敝衲空林旅幽淒懸燈
禮繡佛清齋烹露葵虎溪流古月自與遠公期

劉彥正 名爆官知縣 多藝好學繪事留心史
編精通潛心師古有篆韻集鈔行于世

鄱陽縣志 卷十九 五古 八

衡門午尚掩籜冠塵懶除探研究亥豕訛舛分魯魚倉頡
昔何邈陽冰今已無蛟龍蟠鎖鈕石鼓悵煙蕪

劉彥昱 名煜元官巡檢 總角穎悟經史該通屢試
有司著聲詞賦仗義死盜士林惜焉予同胞

弟也

總角稱穎悟一讀書五行石經手自寫分隸師中郎賦題
五絃琴落筆衆口揚義旗破山越負母親裹粮誓仇不共
國血淚逼中腸

杞楚材 名似杞永寧僧 寄跡緇流不
縛禪律涉獵書史詩思尤工

杞老緇衣沉膚碩眼雙碧雲翻鷹絆鞞霜蹄驥廢樞學欲
排詞林身不縛禪寂悽其一龕燈袈裟掛塵壁

尋劉道微薦福草堂

朱多炆 豫章人

輟棹繫長川解驂稅塵鞅入林披荆榛沿湖遡泱崇山
鬱三秀激流菑柔漿園廬代朝市架澗愜心賞俶隅响萍
躍嚶鳴隔襲響策杖懷佳人褰裳怨河廣夔處德不孤龍
飛利明兩內儲鴻都學外藉金華講攢念何由宣徽音慰
延仰霑霑蒼梧雲行行結遐想

送沈進士子善尹鄱陽

徐階

治民如烹鮮此語傳自昔邇來才俊士古訓恥誦習譁然
煩其令藉口興與革遂令田野間奔走廢耕織朝廷念元
元置吏務安輯豈意更勞擾肥身重民瘠沈生起魏科探
鄱陽縣志 卷十九 五古 九
討適六籍况復有家教茲義諒能識鄱陽號樂土近稍異
往日撫摩還富厚夙夜在努力高才如騏驥千里初發迹
康莊與曲徑慎哉審所適

胡大理女郡姐赦歸

胡居仁 餘干人

父罪誠當誅天王自聖明傳福與郡姐二命幸未傾新皇
赦歸來故廬何處尋獨存胡家橋四望皆荆榛遍詢十族
親落落如晨星節母王安人猶記孩提聲白日疑夢魂相
持叙酸辛一落窅陷深萬金而一身但得趙璧完家業任
飄零詎意路上人尚有香火情問慰且勤惓競遺米與薪
每日饔飧足况有東源墳故外有餘山可買蔴布裙日勤

紡績業夜溫節母衾父死既無尤兒亦安餘生悠悠望蒼
天何日白此心

前題

史仲昭 邑人

新皇大聖人精光照覆盆哀哀諸弱息萬死尤一生昨宵
描鼠伴今出鳳凰城行行復行行疋羸一病身幸隨鴻雁
侶跌出虎狼羣朝乞田間食嗟來吐復吞暮宿荒原廟寒
蛩不忍聞悲風何處起散作斷腸聲羞彼給配者戀戀難
覩親自昔聞中珍翻為陌上塵我輩幸同心粹白完天貞
策杖任間關皎皎寒日星北沾新雨露南望故山雲

哀鳳吟

為胡振祖妻

邑令

徐俊民 山陰人

鄱陽縣志

卷十九

五古

十

番山鬱蒼蒼昔有雙鳳凰棲食托梧竹儀戢覲朝陽帝時
眷明德淮甸生神皇遲此協鍾呂阿閣昭平章陰氛尚餘
戾冥晦紛臬張腥涎毒邦土爪舌耽毀傷鳳兮豈垂翅騫
舉號且當一舉羣鳥附再舉苞羽光三舉翮中斷翻為臬
所戕上帝始震悼驅電誅欃槍兇殘奄分磔迷薄風何方
雲空寥寥澗投棘嗟彷徨有雛未免驚有匹先罹殃求生
匹已死求死雛未颺哀哀鳴復哺拮据巢舊鄉凄風拍霜
影寒月凋雲裳孤腸自激烈鐵石盟貞剛吁嗟乎鳳兮秉
靈德雙棲胡不如鴛鴦南海之濱有黃鵠何不倣之橫穿
茫萬物不齊終有盡顏豈殤兮跖豈長所願在阿岡颺風

恣翱翔萋萋奉奉間寧患成參商化期還淳一瑞育當將
捨好速去何所千年大雅堂

弔胡忠烈公

閩

劉應麒 邑人

八百盡歸周首陽卧二子武德豈不盛臣節固如此王蠋
恥二君豫讓報國士殺身豈不難欲成一個是於爍靖難
師慷慨胡大理力竭金川開如飴甘一死東市棄妻孥餘
波及隣里幽沉二百年昭雪今日始榜文一以張衝颺為
之起回旋自中庭匹練裊雲裏須臾墮故處完好如故紙
觀者如山咸嘖嘖異哉茲事不可測君不見吳王廟裡詩
風雨飛騰自靈物

鄱陽縣志

卷十九

五古

十一

遊郭璞峯酬徐叔賢

史乘古

昔賢煉丹處一峯又一峯峭厓夾危徑飛瀑當逕衝懸壁
有題字半為藤蘿封此泉名玉泉此潭名烏龍潭深不可
測龍吟無夏冬爽籟發幽洞竒光騰長松白石粲可煇芳
蘭供佩容人影併馬跡彷彿留仙蹤茆屋隱山頂中路聞
微鐘山下徐孺子斗酒招相從孺子具逸興贈我青竹筇
聲言此山好巉巖兼蒙茸甚莫倦登眺秋色重復重寒袖
與小菊丹黃如春穠我因看山遍日落烟溶溶扶筇感君
意久之筇力慵主人酷愛客徒迎追蔡邕權然入門去連
夕設華供圖史半狼籍季昆何雍雍清話滌塵襟高歌舒

頰冑富貴有時幾知音能再逢

國朝

甲寅紀難

史白邑人

維歲在甲寅十有二月朔介馬徧郊原焚廬肆屠掠山妻

懷弱女一葦湖心泊倉皇五男兒東西罔所託我潛蘭若

中天寒氣蕭索僮僕盡奔逃兩日恹不食叶式切越旦伯兒

來敝衣聳雙膊步蹇高復低形垢青還赤叶敕切猝然莫認

之間爾何方客叶苦切聞呼始辨聲有淚隨聲落云兒遭痛

箠篋已更束縛黑夜伏荆棘幸未填溝壑傷哉阿弟薰捐

軀飽魚鰓阿葉音攝式切暨阿爺驅挾入戎幕今僅阿菽存

都陽縣志

卷十九

五古

十三

老婢能瞻護叶黃切殷勤囑阿爹豺虎勢方惡言罷各欷歔

僧厨進糜杓半杓未沾唇邏騎喧膈膊父子再分離時命

真乖錯慄慄半月過乃走鳴山角鳴山鮮親朋我弟獨先

適叶施切休辭道路艱且冀鋒刃脫前行既芒芒後顧還嬰

嬰渡澗魚梁摧投村鬼火爍風悲肌骨酸霜重毛髮白叶迤切

各切邈迤望鳴山難民號繹絡兄弟忽相逢恍疑夢與覺所

居方丈餘草椽乏翦削上愁雨雪傾下畏猛蟲攫家人次

第至羣處如屈蠖冷竈栖暗塵歌牀掛空橐袖手仰穹蒼

何計度朝夕叶先切循田覓弃蔬抱樹搖枯籜含辛活殘冬

勉力待春作遠感姜生咸思切賢招我供擔石叶石切素餐

詎能甘輾轉慮紛若那知三月交狂飈猶煽虐環城數百

里在在驚風鶴孰是苗可分孰是麥可穫鋤耒苟勿庸將

更為矛戟約叶訖朱生念舊深尋踪到幽谷約叶乞分彼負薪

資信宿共清酌老友金非林厥誼尤卓犖惠我琳琅函令

我獲裳澤洛叶徒傳說新除令曾示安民的瘡痍竟弗蕪征

翰轉催迫各叶卜嗟我羈旅情暫受童子業各叶逆舌耕畢公

需豈敢言收薄彈缺羞馮驩曳履笑東郭如此遂三年乃

得返故宅洛叶徒誅茅蓋頽垣斬棘支朽桷抽我匣中毫啟

我胸中鑰此身雖頗寧此境尚如昨從來生死關憂患與

安樂欲以語後昆聊爾記其畧

鄱陽縣志

卷十九

五古

十三

延賓坊

在府城內蕭家巷

程作舟

邑人

士行真男子湛母非婦人愛青髻金珠不為珍倉卒
為賓剪令名從此成豈曰能結客一髮引千鈞截江用竹
頭其智本慈親寄言坊下女切莫笑清貧

送黃明府移任鄱陽

陶萬達

新建人

百里徧春風一時沾化雨西昌何幸如西昌有父母父母
世簪纓豈襲傅氏譜穎川著績竒江夏標名古雙鳧不羨
王三異再逢魯單父琴在堂河陽花滿堵白晝可垂簾長
江曾渡虎雖見陽鑄多直奮閔西怒父母來幾時於今年
終五俗歌峴山詞野存南國樹鳳尾從天來宿星當別度

前途得所依此地誰為主吁嗟誰為主實由恩德溥恩德溥西江應作千家祖不必強扳轅在在歌樂土

浮洲寺

蔣士銓

鉛山人

倒景開平湖淺漲落沙步一徑入空翠亂石出新路深林蓄微涼脩竹莽迴互虛亭上暝色波光動秋樹雲氣蒼茫生漁村晚烟赴不見伴鷗人輕舟自來去

七言古

唐

獄中書情上使君

程長文 女郎

妾家本在鄱陽曲一片堅心比孤竹當年二八盛容儀紅
 殘草隸恰如飛盡日閉牕刺繡坐有時極浦乘蓮歸誰道
 居貧守都邑幽居寂寞無人入海燕朝歸枕席寒山花夜
 落階墀濕強暴之男何所為手持白刃向簾幃一命任從
 刀下死千金豈受暗中欺我信匪石情難轉志奮秋霜意
 不移血濺羅衣終不恨創粘錦袖亦何辭縣僚曾未知情
 緒即便教人繫囚囹圄朱唇滴瀝獨銜冤玉筋闌干歎非所
 鄱陽縣志 卷十九 七古

宋

贈彭器資

王安石

鄱水滔天竟東注氣澤所鍾賢可慕文章浩渺足波瀾行
 義迢迢有歸處中江秋浸兩崖間溯洄與我相往還我挹
 其清久未竭復得縱觀於波瀾放言深入妙雲海示我僊
 聖本所寰楞伽我亦見髣髴歲晚所悲行路難

七月三日至鄱陽

本州 王十朋 樂清 會判人

我來番君山水州山水入眼常遲留絕境遙通雲錦洞清
音下瞰琵琶洲干越亭前晚風起湖入鄱陽三百里曉來
一雨洗新秋身在江東畫圖裏

送翁東叟教授

鄱陽江上五見雪鄱江樓上風栗烈廣文先生不畏冷
棹登樓清興絕筆端妙語出離騷酒後剛腸吐名節芝堂
假守老鄉人明月僊舟那忍別

白石歌答潘轉翁

姜夔 邑人

南山僊人何所食夜夜山中煮白石世人喚作白石僊一
生費齒不費錢僊人食罷腹便便七十二峯生肺肝真祖
鄱陽縣志 卷十九 七古 二
只在南山南我欲從之不憚遠無方煮石何由軟佳名錫
我何敢辭但愁自此長苦飢囊中只有轉庵詩便當掬水
三盃之

鄱陽湖

周弼

鄱陽湖浸東南境有人曾量三十六萬頃我昔乘槎渤澥
間眇視天溟坎蛙井浪何為而起於青雲之底日何為而
碎於泥沙之裏太極初分一物無天水相包若雞子揚瀾
可供李白青州杓彭蠡付與盧敖洗龜殼斗大孤山沒處
藏斲取來楮鼎鐺脚胷中八九吞雲夢似此蹄涔亦何用
安得快意大荒之東東復東指麾魚鼈騎蒼龍

閱方使君登行狀

謝翱

九江黥王所理州衰年仗筆作諸侯唐人舊隱衣冠盡歸
闖宮潮不得覲疑句天吳舞罷塵土飛音廿八載腥雲寄空殞
當年電隙豈所問生死身名惟轉瞬睦人共說方饒州番
人作廟祀唐震

望戴軒宋周伯恭作意在望戴叔倫讀書堂

張景修

開元寺前馬莫騎叔倫宅在湖水湄高閑隱士不趨府瀟
灑使君為作堤胡不乘興泛短艇湖中自有尋幽徑白雲
隨過水晶天清風載入琉璃境我來此軒逢羽人何必見
戴寂寞濱君不見子猷當時風雪夜至今遍舟在圖畫

鄱陽縣志

卷十九

七古

三

元

芝山吟

徐君勉之番陽人芝山在番郡之陰世傳山常產芝郡人往往以科第顯勉之兩舉進士得山長慈湖人謂勉之若有不釋然者予故為道其所樂作芝山吟餞之彭 架廣陵人

西山有靈芝我采茹其芳吐氣為卿雲絢爛分天章紫微
上卿不敢惜手抉氛埃看五色虎豹衛闕深九重倏爍電
光迷白黑歸來不是故山遥天風卷幔正飄飄化作慈谿
泮林雨坐令嘉植長春苗碧澗泠泠蕒芹藻恰似山中采
芝好咀華滋味與人同梁肉朱門祗素飽闔閭城頭秋日
涼停雲只隔錢塘江西山日夜生輝光山中紫芝燿燿長
更結飛霞高頤頡

義士歌 贈周樸

元學黃 潘金華
士人

周君生長番君里長身俱俱髮仍美師張先生業孔氏夏
螢冬雪頻繼晷先生愛君不醜敵君謂先生我知已遭時
戰伐多瘡痍賊衆乘之作姦宄郡檄先生俾一洗先生慷
慨為之起曰彼虫虫聚蜂蟻克渠本我家奴爾我將答之
用折箠披其角毛脫距嘴盜挾兵來速如鬼反噬其主先
生死先生諸子皆幼穉周君聞之失箸七曰古復讐蓋有
禮師長之讐視兄弟我今必也書于士走告郡府伏以俟
府公義之弗敢止授以艾折與弧矢或云彼衆我無幾盡
募援兵為表裏君奮不顧行益駛賈勇直前無與比賊窮

鄱陽縣志

卷十九

七古

四

擲金計何詭得金失賊墮其餌亟取貪夫尸諸市士氣復
振賊乃靡追奔逐北劇賊壘迅雷不及掩其耳一柵既覆
衆柵毀生致賊首洎妻子刳其心肺獻俎凡告於先生辭
疊疊凱旋公庭旗旆散遣部伍歸耘耔天戈耀日方南
指郡將効死弗拜跪周君堂堂衆所恃人咸謂君今可仕
細書降表僅尺紙大或公侯小刺史君言我本不獲已出
為吾師刷讐恥罪人已得賊已弭東村西落無荆杞不義
富貴寧飲水公無多談且休矣閉門高臥肉生髀白駒空
谷餘四紀沒塋金潭有廟祀鄉人歲序擊羊豕子暇來與
胄子齒踵門泣涕言如此嗟君壯節甚奇偉播茲歌詩侑

哀誄

秋社

吳存邑人

江南太平重秋報村東村西田鼓鬧歲無旱溢國無兵露積千倉烟萬竈予時童非未憂翁豈憂無酒可治聾那知回首二十載半間社屋蒼苔封低頭自讀元祐史麟趾深恩浹肌髓一匙社飯千古悲後園秋雨號狐狸

田家謠

葉蘭邑人

妻辟麻夫踏車轆轤轉水聲伊呀旱風吹沙日照地今年何以輸公家憂民太守祈求苦雨落滂沱水如注田疇得秋霖落雨如落金夫舂糧婦織布夫婦殷勤了倉庫歸來鄱陽縣志

卷十九

七古

五

喜雨喚兒孫道傍多種甘棠樹

楚狂行送楚芳弟

江東楚狂長醉狂一雙青瞳秋水光雲夢之胸牛斗氣二十束髮從戎行出門別父母抱藝游四方悠悠少相識客路淒涼倦行跡故衣線斷怯秋風矮屋打頭天地窄吁嗟人生能幾何海水東去無迴波少年落落不得志蕭疎短髮空蹉跎憤來拔劍歌激烈歌過行雲劍飛雪用盡床頭金空存口中舌狂乎狂乎歸去兮造化弄人如小兒

宋制置彭大雅瑪瑙酒椀歌周伯溫大叅徵賦

王逢

淮藩開吳豪俠滿歌鍾地屬姑蘇館相儒獨為緩頰生笑
出彭公瑪瑙椀血乾智伯體不腥黃玉瑩錯紅水精妖蟆
蝕月魄半死虹光霞氣歎且盈隱若陣偃邊將營彭公彭
公古烈士重慶孤城亦勞止天忘西顧二十年畝盡東來
數千里武侯祝文何乃偉敗由宋祚民今祀太湖底寧魚
米豐官解喜與閒門同酒波盃面動峽影想見制置師犒
飄風中再酌庶沃礫磊胸君不見漢家將軍五郡封班彪
天與世史功詩狂昭諫客吳越存心唐室人憐忠嗚呼尚
友予豈敢醉墨慘澹雲飛鴻

明

鄱陽縣志

卷十九

七古

六

題呂花園草堂代宋景濂先生作

劉彥昂

官馬烏鞞春跡霜鐘聲催我趨玉堂黃金帶重覺腰瘦錦
袍淋漓宮酒香殿前草詔東風急紫硯光凝墨花濕承恩
簪筆立多時華髮蕭疎倦無力聞道城南舊草堂景勝林
幽別興長碧連淮甸晴波暖青割鍾山曉樹涼種柳萬條
金覆井栽桃千榦粉連牆薔薇壓架綃囊綴芍藥當軒錦
幄張箇箇麝香眠石徑雙雙翡翠浴蒲塘紅殘蝶翅翻風
靜綠暗鶯吭嚶日忙游絲飛時寒食早車馬城南爭拜掃
夕陽影裏賣花聲游人半醉眠芳草壚憶黃公酒旆斜窺
遺陸羽茶煙裊何時休休振鳴珂紗帽輕衫試越羅信筆

詩成還倦寫憶爾當年郭橐駝

義士歌

弔胡振祖

崑崙畫裂黃河決京畿地毛白於雪鬼母啼秋天雨魚武
庫兵鳴劍飛血黃屋播越煙塵張四海感激思勤王鄆陽
胡公軀七尺義旗塞露寒無光鳶肩火色萬里壯虎氣電
日干夫強城頭陣雲壓鞞鼓醜酒椎牛題露布破釜沉船
曉更征囊沙擁水宵還渡萬乘千旗驃騎營轉戰直薄浮
梁城孤軍糧盡朝飡草間道人稀夜煮冰鐵甲照霜弓影
曲寶刀磨月水痕腥旄頭芒射前星落恃勇驍騰身不却
淒涼馬革裹尸歸誰復聲名寫麟閣郡侯紀績筆如椽父
鄆陽縣志

卷十九

七古

七

老相傳淚法然三尺荒墳何處是忠臣後代子孫賢

題鄆督沐公畫壁

唐稱王韋宋董郭元有高趙今俱無乾坤精爽久寂寞素
壁誰能開畫圖墨痕總是篆籀法但見元氣秋模糊長林
蕭騷霜葉赤脩竹喬松幾千尺霧暖琅玕長碧腴天寒琥
珀流金液雲倚晴空華嶽青泉分曉澗天河白路轉清溪
楊柳疎籬落頗自幽人居當門大石面如掌斜日坐來堪
釣魚豈無樵歌伐木者最愛茅簷酒壚携書自可卧三
島濯足因思歸五湖頗憐故宅鄆江上對此茫然心獨往
何日躬耕負郭田經年茅屋蒼苔長

田家樂

田家樂今年庄農好秋作蟄龍蛻骨枯棹懸五穀成登雨
時若官家更憂民力疲公田折布能輕賣小姑携筐顧
洗拾得綿花如雪肥大姑軋軋催機杼疎簾樹影寒
鬢雲籠霧颺西風眉月生涼褪秋暑山徑牛羊下夕
蕭榆柳草堂虛野老杖藜邀小酌諸孫燈火讀殘書

積善堂歌

贈劉琮玉

陶安

積氣成形大為天土積而阜泉積川吉人作善功亦然散
聚修廣基本堅金刀玉卯世有賢廬陵衣冠家誦絃尚書
履聲應列躔鳳毛文彩分蟬娟安齋播種方寸田處世重
鄱陽縣志

卷十九

七古

義輕貨錢貧交南遊乏腰纏饋以豐貨給車船白檀出袖
覺偽先我眼如月秋空懸壽翁食報享天年大椿翠映南
華仙芝英相招山色妍携家來此番江堦積善有堂居數
椽黃歧遺金造幽玄先生光紹祖考傳一堂生意春無邊
圖史環座精究研夜蒸太乙青藜烟萬象動盪銀粉牋琳
琅金薤清音宣仰觀鳶飛俯魚淵默契道妙功用全君臣
草木叢几筵筍有金翼青龍篇菖蒲雨細灑蘇磚白兔搗
藥窺窓前霜橘香生碧井泉杏花透簾紅錦鮮叩門拜德
疾癘痊芭篚拒絕喜溢顴庭蘭茁芽玉樹聯慶門降祥天
所延善源行派歲月綿雲初百世承青瓊

詩冢

程文廣

魯男子天下奇青鞵踏遍江東西胸中豪氣隘雲夢吐詞
滾滾驚蛟螭干戈四塞風塵黑收拾瑰琦瘞山窟一杯黃
壤託珍藏荒草纍纍竟誰識公有詩山知公寥落一百六
十載誰復問訊山之中慚予白首來弔古把劍尊前為公
舞何當它破山頭雲直令公詩照寰宇

弔胡忠烈公

閩

吳達可

德星影影射鄱陽鄱陽先生冰雪腸詩題古廟驚真主五
釜銘功意揚揚金陵氣瑣翻旌節扣馬甘心採山蕨浩氣
橫飛六月霜忠魂竟付三尺鐵愁雲碧草黯春煙野老吞

鄱陽縣志

卷十九

七古

九

聲泣青血二百餘人掩黃沙白骨纍纍伴荻花磷火晴時
猿影度炊煙絕處月痕斜榆閨萬里錮親友衰髮重髻各
携手衰髮那堪霜雪侵垂髻不耐風塵走湮沒孤忠二百
年春回恩詔九霄傳犧尊血食簇甃瓦忠亂依依傍膝邊
花榜高懸舊城郭六街頃刻起羊角徘徊直撞天上飛從
容忽向廳前落墨漬應沾午夜鷓迴飈似送千年鶴余今
問俗表忠烈故里新祠景先哲騷句暫招三閭魂採蘋酌
酒彭蠡月

大水行

歐陽杲 邑人

嘉靖己亥十八春魚龍再犯番君城連旬風雨暗南國赤

子為魚城欲吞城如蟻穴民如蟻穴將飄蕩民安存我欲
叫神禹我欲叩天閭天閭高高禹穴深神禹不啻天不聞
安得當年大宋渡蟻手編竹為橋渡蒼生

送姜節之封楚藩歸鄱陽

尹臺永新人

黃鶴高樓雄楚都中天勢裊飛雲孤三湘浮陰動曲渚七
澤倒影凌重湖我昔扁舟下岳陽欲往觀之江漢長洪川
浩蕩渺難濟九月洞庭飄寒霜人生壯覽詎可期十年雲
臥空有思竭來承明侍帝側一望武昌一念之黃鶴千秋
不復迴高樓槌碎安在哉古今豪賢傳勝事往往陳迹遺
蒿萊羨君南行賦登樓舉酒堪招黃鶴遊歸來蚤成太史

鄱陽縣志

卷十九

七古

十

記莫作周南久滯留

述懷

姜金和邑人

燕京九陌塵浩浩冠蓋追隨歷昏曉曙分懷刺謁高門半
夜題書將遠道同袍三五欣相迎下馬官街劇傾倒移尊
乘興春忽徂燒燭論心日初杲祇知朱紱天涯親詎識丹
顏鏡中老何如湖畔作閒人端坐茅齋恣幽討芟荷竹籜
冠裳便野鳥山花音態好公侯漫自矜輕肥山澤何嘗太
枯槁俯慙狗祿十餘年自惜焚魚苦不蚤披圖賦此訂同
盟擬向山中拾瑤草

弔胡忠烈公閩

廉靖邑人

蒼龍骨誰咏松倏靈霧倏英風幻朝靄撼愁海海濤愁斷
精衛哀燕雲曉度水西來偏頭維摩憐半月真龍蛻骨空
寒灰龍煙未燼禁雲濕北人不問南人泣未怨瓜藤族血
殷可憐老松魂孤立七首空懷着曉緋客曜總占犯紫薇
到來帝王由天授屍躍體翻駭六飛英風何處消孤憤我
來蓬筭作天問干天偉節松無心先皇錄我壁間吟臣愚
謬不辦家事射鈞不負死綏義舞回七德風淒淒此僚嫵
媚寧祿羈不似聖朝養多士傭樵匠釋俱夷齊雪涕維時
松轉勁犬死不論姤堯姓白頭膏劍亦君恩二百年來誰
招魂草木時時見光怪松風夜夜吹衣帶衣帶上下見未
鄱陽縣志

卷十九

七古

十一

真北來王氣事事神鳳返丹山誰附翼龍歸蒼海誰攀鱗
近日朝廷憫國士血食有廟廟有謚株連恩及葭莩親榜
上花名色色新西北湏臾起羊角花榜還從廳事落似到
九天愬帝回駕鶴徘徊問城郭城郭人民空是非村村伏
臘含深悲情殷香火敬者誰邑侯簪筆英風隨噓我龍骨
劈雷劈電陵天飛

張太守荒政歌

允掄

程

巨邑人

去年靈滂民如瘠孤城為壑魚遊祀今年魃虐燠靡遺沴
癘肆青莫可弭估家干帆逐善鄰豪奸百困封餘米貧者
空冷皮骨存富亦恐抱珠玉死連村斷煙似寒食纍纍道

殫骸無齒明公治行世罕雙問災戒膳朝投七布袍撒蓋
走霄壇百拜精虔汗沾趾開倉發賑不待報設粥哺飢若
由已陽和噓作萬家春煦姬溫如九州被汪汪彭蠡集歸
鴻直令白骨肉而起殘畝甫銍官市閒秋霖傷稼塗泥委
禱晴令下天為開公心其即天心矣昔有張公麥岐秀民
樂莫支光漢史公為後身今再來召父南陽何足比草莽
無由達天子聊共輿人歌異美圖公形祝公履千秋萬年
在畏壘七饒行有徵黃喜

國朝

謁胡忠烈公祠

文德翼

德化人

鄱陽縣志

卷十九

七古

十二

番君廟裏題松客忽動天顏聲嘖嘖直幹如龍聖眷深不
為區區一詩伯殺運未除誰所為俯仰巖廊天地窄方黃
不惜十族親先生丹血化成碧凶豎陳瑛何足齒楊胡寧
有千年宅人事反覆那可知讓皇歸去頭鬚白回首諸公
死共亡事如昨日猶赫赫鄉人俎豆尚時陳向我細譚舊
典冊嗚呼國家自古誰無陽九阨天柱地維吾輩難逃責
試向東南望孝陵颺颺酸風眸子射

薦福碑趺歌

史 白邑人

翼然湖上亭剡然亭下石率更遺跡尚可尋魯公名字炳
如日憶昔魯公作亭時為愛率更筆獨竒那知衆好天所

忌遽遣神丁力取之銀鈎鐵畫一朝碎書生適爾逢其會
遐哉范公濟困心至今令人仰高而長喟於戲翼然亭戎
纓縈剗然石樵斧腥湖邊芳草青復青誰能呼起驚雷掣
電之精靈使君好士更懷古夜來爨爨號風雨此亭此石
千載有餘輝魯公范公應共語

過故淮宮望洪忠宣祠及江文忠止水池

莫作阿房賦髮衝皆裂有餘怒莫作連昌辭鐘殘漏盡舍
深悲君不見黃河之水環如帶那能浩蕩長為界又不見
黑塞之城固若山幾見沙塵不度閔勳華眼底浮雲事一
人得死可無地城西有祠曰三洪中有哲人忠宣公餐羶
鄱陽縣志 卷十九 七古 十三
嚼雪子父同古今生氣中原中城北有池曰止水文忠闔
室於焉死蝨雁嗷嗷湘鬼啼騷魂隔浦搖芳芷丁鶴重來
故土非至今宮闕嗟何歸先賢之風不再得丹青千載留
顏色君不見文忠死所水猶寒忠宣遺像儼衣冠老木蕭
森荒草暗斜陽黯淡悲風酸我憶古人醒復醉挑燈讀史
不成寐萬里山河一片心半宵猿鳥三聲淚

弔故淮宮歌

程建章 邑人

芝城舊是藩封地宮闕差幾雄帶礪朱甍碧瓦聳青霄茅
土世分及苗裔當日遷封淮上來好賢設館綺筵開桂樹
山中招隱士兔園雪下賦雄才一朝燧燧連天起江北江

南盡戰壘宸居無復舊金門龍種安存昔朱邸金門朱邸
總殘暉愁雲一片鎖宮闈琉璃瓦碎甍甍走玳瑁梁空燕
雀飛憶昔余生國多故依稀記得宮前樹只今芳草憶王
孫兔葵燕麥飄春露薊野悲風運鐵戈漢宮夜雨灑銅駝
北却金谷年年恨原上徒聞樵牧歌我來弔古訪遺蹟累
纍小山堆錦石硿礧四面結煙嵐黃狐冷嘯玄猿泣關道
龍髯不可攀金枝玉葉落塵寰蜀鵑去國幾回望遼鶴無
家何日還昔日王宮今頽壁龍雛麟趾避山澤縱使絃歌
聲宛然嗷嗷鬼泣五侯宅今古烽煙未肯休百榼夏屋皆
荒邱寶冑流離竟如此吾生飄泊將焉求嗚呼吾生飄泊

鄱陽縣志

卷十九

七古

古

將焉求

番越行

史虞邑人

番越一百六十里微明發棹薄暮止憑虛御風欲飄然一
聲長嘯江山裏江如長練山如屏萬壑千峯一色青對此
應接真不暇鳴絃細咏離騷經咏罷離騷復何有携有解
醒醉五斗聞說麴生為吾師欲填悶海無如之一杯一曲
不知醉坐遲綠楊啣半規落霞一片孤村繞村前村後聽
啼鳥林深何處不桃源身似漁人長往焉歸來有景難言
也百尺畫圖堪自寫撫琴動操與之俱風流不減臥遊者

芝山望五老峯

史傳祚邑人

一縱目芝山巔正垣則予忘之矣西方有友五人焉抗身
青雲表介然稱忘年俯瞰百尺青牛谷謫仙老子曾築屋
道士謫仙今何歸五老雲端長可依我立芝山遙與語溘
溘只隔彭蠡渚生平納交豈不多仰止惟君心貌古

芝山行

黃煦

廣昌人

靈芝峯頭雲靄靄嶺屏籓雉堞外其山巋嵬以嵯峨千
里蠡湖作襟帶孤亭十二碧闌干上通帝座星斗寒疎鐘
鏗受聞天半月明珠露滴琅玕湖光萬頃鎖烟霧征颿密
織雲間樹嶙峋五老秀蒼顏日落樵歸山下路我來此地
垂二年登山兩度躋崇巔俯瞰城闔如蟻垤長嘯欲拍洪

鄱陽縣志

卷十九

七古

十五

崖肩橫覽長空懷遠古番君洵不慚忠武漢家異姓罕封
王懿厥長沙分茅土豐城雙劍久化龍雷煥瑩前馬鬣封
至寶埋塵亦何限莫邪干將欣遭逢范逵不作士行死焉
得此母生此子判薦截髮不朽名八州事業今已矣靈物
九天風雨迷松虬百尺豐碑題闔門死忠血塗地化作春
山望帝啼聞風興起百世下孰是男兒有為者游歷名區
觸壯懷英雄有淚空沾灑流水高山遇賞音楚江誰撫伯
牙琴家山岵岵悲何陟望鄉惟見白雲深興闌逕轉還蕭
寺痛飲豪吟拚一醉下山遊騎馳晚風耦耕耘稻梁地

五言律

唐

奉送盧員外之饒州

劉長卿

天書萬里至旌旆上江飛日向鄱陽近應看吳岫微暮帆
何處落潮水背人歸風土無勞問南枝黃葉稀

送李侍御貶鄱陽

迴車仍昨日謫去已秋風干越知何處雲山只向東暮天
江色裏田鶴稻花中却見鄱陽吏猶應舊馬驄

送舍弟之鄱陽居

鄱陽寄家處一別掩荆扉故里何人在滄浪孤客稀湖山

鄱陽縣志

卷十九

五律

春草徧雲木夕陽微南去逢迴鴈應憐相背飛

送盧員外往饒州

李嘉祐

為郎復典郡錦帳映朱輪露冕隨龍節停橈得水人早霜
蘆葉變寒雨石榴新莫怪諳風土三年作逐臣

冬夜饒州使堂餞相公五叔赴歙州

丞相過邦牧清弘送羽觴高情同客醉子夜為人長斜漢
初過丰寒雲正護霜新安江自綠明主待惟良

同皇甫侍御題薦福寺一公房

虛室獨焚香林空靜磬長閤窺數竿竹老在一繩牀啜茗
翻真偽燼燈繼夕陽人歸遠相送步履出迴廊

題薦福寺衡陽岳師房

戴叔倫

春城乞食還高論此中閒僧臘塔前樹禪心江上山疎簾
看雪捲深戶映花閑晚送門人去鐘聲杳靄間

客中言懷

白髮照烏紗逢人只自嗟官閒如致仕客久似無家夜雨
孤燈夢春風幾度花故園歸有日詩酒老生涯

與友人過山寺

共有春山興幽尋此日同談詩訪靈徹入社愧陶公竹暗
閑房雨茶香別院風誰知塵境外路與白雲通

鄱陽大雲寺一公房

顧況

鄱陽縣志

卷十九

五律

二

盡日陪遊處斜暉竹院清定中觀有漏言下證無生色界
聊傳法空門不用情欲知相去近鐘鼓兩聞聲

彭蠡湖春望

項斯

湖亭東極望遠槎不須迴遍草新湖落連天衆雁來蘆洲
殘照盡雲障積煙開更想鴟夷子扁舟安在哉

送饒州王司法之任兼寄朱處士

方干

莫辭還作吏且喜速回車留醉悲殘歲含情寄遠書共看
衰老近轉覺官名虛遥想清溪畔幽人得自如

南唐

登圭峰舊隱寄薦福棲白上人

李洞

返照塔輪邊殘霖滴幾懸夜寒吟病甚秋健講聲圓粟穗
乾燈燄苔根濁水泉西峰埋蘚石秋月即師禪

登鄱陽寺閣

釋貫休

寺樓閒縱望不覺到斜暉故國在何處多年未得歸寒江
平楚外細雨一鴻飛終數於陵子吳山有綠薇

鄱陽道中作

鄱陽古岼邊無一樹無蟬路轉他山大砧驅鄉思偏湖平
帆盡落天淡月初圓何事堯雲下干戈滿許田

宋

碧雲軒

范仲淹

鄱陽縣志

卷十九

五律

三

我愛此中好幽軒絕世紛澄宵半床月淡曉數峯雲遠意
經年就微吟並舍聞只應虛靜處所得自蘭芬

寄饒州范待制

梅堯臣

山水番君國文章漢侍臣由來中酒地今見獨醒人坐嘯
安浮俗談詩接上賓何由趨盛府徒爾望清塵

施判官赴饒州

昔日里中舊今為幕下英煙波歸楚國風月滿都城食有
江魚美時無羽檄驚他年儻行縣肯使折腰迎

戲和同年時在薦福寺

劉敞

逃暑涓涓洒開襟細細風過雲催急雨落日澹秋空樹影

經行熟泉聲笑語通少年興不淺寧與老人同

登綺霞亭用碧雲軒韻

王十朋

郡亭臨大澤霞障截塵紛有色祇因日無心元是雲滄浪
隨郭轉欵乃隔江聞文正已仙去佳名千載芬

易芝山五老亭名曰五峯安國書之因成短篇

三秀呈祥處危亭壓衆坡眼驚盧阜近峯類夏雲多喬嶽
神咸會蒼穹頂共摩紫葢新鐵畫輝映楚江波

送莫志歸鄱陽

鄱湖秋水落白下買舟還遠夢驚新雁歸帆識舊灣打碑
過薦福携酒看芝山却憶曾遊處清溪萬柳間

鄱陽縣志

卷十九

五律

四

題龍居寺

岳飛

魏石山前寺林泉勝更幽紫金諸佛相白雪老僧頭潭水
寒生月松風夜帶秋我來獨龍語為雨濟民憂

送子用弟遊學鄱陽

方岳 欵人

頓覺溪流滑鄱湖草欲春船輕携硯易家近寄書頻山雨
同離別寒窓自罷珍但於燈火夜報子倚門親

元

饒州道上

何中

手春初歇杵麥粥午香知白酒村村薄青山處處奇天垂
雙鶴遠江渡一舟遲楓合東吳綠何人續楚辭

鄱江樓

黎廷瑞 邑人

江城一登眺寒色有無間
帆拂沙頭樹僧歸雲外山
樓高西照急葉盡北風閒
世事何時足悠悠飛鳥還

酬典籤劉彥昂

周伯温 邑人

投老愁多病傷心憶舊游
侍筵金殿曉載筆玉堂秋
銀海靈槎斷黃河野樹浮
羨君年正少文采照南州

重過鐘潭寺月灣有詩次韻

徐孜 邑人

五年三到此門遲怪頻移絕壁
何年樹空廊異代碑微瀾
生古瀨浮翠擁修眉煮茗談時事
山僧總未知

送吳宗師弟歸鄱陽

揭傒斯

鄱陽縣志

卷十九

五律

五

愛兄初別楚念母忽辭燕家有神仙
學人稱孝友全溪山雲錦地空闕
紫薇天相望無南北相思自歲年

鄱城晚眺

艾性夫 臨川人

獨眺秋逾遠孤城日漸曛地平分楚澤
天濶見吳雲風靜漁歌近波搖
鴈影分未應陵谷變不得問番君

明

送院判俞子茂進兵鄱陽

汪廣洋

江東風日晴把酒送君行好慰三千士
將收七十城煙花催疊鼓雲騎擁連營
山國人爭喜殊方自此清

贈掌記劉彥昂之東阿

西平沐英 郡人

大府多軍務頻年案牘勞趨廷宮漏轉簪筆殿香飄柳外
流鶯語花邊立馬驕莫嫌州縣職漢業說蕭曹

送戴仲章歸鄱城

魯修

不作留君計家山盡甲兵無言隨物態有淚落交情市酒
猶連肆湖魚早入城密詢向處士白髮為誰生

答陶友靜

劉琮玉 邑人

寒山陶處士冰蘖自為心石逕幽花瘦茅簷翠蔓深臥聽
鶯囀樹閉數鵲歸林不到芝城久春來為苦吟

答芝山感事

督學使 李夢陽

吳楚分何代乾坤此郡孤江從樹裏斷山入雨中無戰鬪

鄱陽縣志

卷十九

五律

六

名空在英雄世與徂酒酣撫長劔極目盡重湖

懷劉繡衣廷高

童軒 邑人

鄉里交游輩情親喜見君一緘勞寄意兩地惜離羣白馬
人傳疏雕龍世變文幾回馳戀切春樹暗江雲

客中思鄱陽

邱霽 邑人

才疎無宦况客久動歸心伯玉知非昨淵明覺是今登山
尋尺玉何路惜分陰漫共相知友聊歌梁父吟

偶過浮洲寺留題兼懷姜芝峰

李榕 邑人

不到招提久逢僧話舊游殘燈留古殿往事等虛舟沿壁
藤花淨穿林鳥語幽芝峰憐咫尺何日擬登樓

歲暮泛彭蠡

康從理

曠望極平川，遙心自黯然。空煙疑有地，遠浪不分天。暮色孤帆外，寒聲落雁邊。年催長路客，歸思倍堪憐。

英風紀異

鄱陽補闕胡公閏當勝國時，有志天下，嘗畫松番君廟壁而題其上有九。天風雨蒼

龍骨之句，高皇帝見而異之，尋徵為督府都事。建文朝，擢右補闕，晉大理少卿，靖難兵起，公與方黃諸公死之。赤其族，戍逮親友，近秀水屠侍御，阮以聞赦在戍者，新安程令君大書赦文榜邑門，忽為羊角風搏入天際，自午至申，復從空中落廳事。前鄉人嗟異，咏歌成帙，題曰英風紀異，建祠祀之。祠與番君廟對，漫賦五言近體四首，用抒仰止之懷云。

拜命趨青鎖，捐軀翊紫宸。風裁闕下重，石畫幄中親。九死心何負，千秋氣獨伸。精靈知不散，白日駕飈輪。

鄱陽縣志

卷十九

五律

七

矯矯蒼龍骨，霜威凜莫摧。當年英氣在，忽地疾風迴。湖面波濤吼，城頭鼓角哀。不須千載後，遼鶴夜歸來。

昔展番君廟，留題動至尊。如存脩秩祀，不死弔忠魂。伏臘分香火，江山對殿門。漫悲臣節苦，異代欲同論。

聖代餘恩澤，吾鄉實典刑。游魂動風雨，古貌絢丹青。山擁芝為座，城圍柳作屏。饒州名芝城一名柳城藻蘋春自綠，采采薦明馨。

夜泊獅子峯下

史乘古邑人

結纜巖林暗，層峯獨峙前。村樓銜缺月，小艇繫長烟。虎吼泉飛出，虬盤石倒懸。半窓孤客夢，漁笛未明天。

初春飲牛頭山絕壁下

綠草徧春風，青山西復東。樵肩湖水畔，漁艇夕陽中。小鳥啼還歇，村膠瀉未空。勝遊追赤壁，莫怨落花紅。

和趙醒初招飲浮洲寺

劉美炫

繫艇湖邊柳，浮洲約共遊。水光環一寺，山氣鬱層樓。翠羽饒歌管，紅葩集酒籌。不辭中夜醉，明月幾回秋。

國朝

送史煥章歸鄱遷葬

梁清標

垂索黃門冷，言歸亦洒然。離樽燕嶠月，春水豫章船。抗疏焚囊草，躬耕傍墓田。無臺堪避債，莫辦買山錢。

鄱陽縣志

卷十九

五律

新建饒州郡學是日雷電大作鵲巢兩柱步韻

郡守 程鳳素

聖域初營日，元春啟泰來。湖山萬頃濶，宮殿五雲嵬。鵲舞梁州印，蛟騰禹穴雷。芝城名勝地，文物自天開。

鄱濱漁者

史彪古 邑人

星淡暗沙溪，秋風動釣絲。船移隔岸火，竿拂落花泥。絕壑藏雲濕，臨淵待月遲。濠梁亦有興，應與漆園期。

清齋

清齋許自問，懶性怯征塵。對鶴琴為侶，懸魚酒是隣。興餘林外屐，身穩夢中貧。竹榻連干帙，沉吟見古人。

鄱江道中

郡守黃家遊

江源來近遠千里向西流雙港石梁度孤城水氣浮郵籤
催候吏宵柝雜却謳于役寧辭倦滄浪一釣舟

重建月波門樓

邑令王克生

月與波溶溶門高水月通一名雄吞千疊浪清挹一江風
夜色霜葭白晨炊漁火紅登臨容縱目可樂與民同

秋日登芝山

黃國瑞

秋色滿江空楓搖萬井紅僧房雲黯淡仙洞石玲瓏橘柚
人煙古樓臺瑞靄通一城絲管急歲稔樂薰風

秋日尋郭璞峯

程建章 邑人

鄱陽縣志

卷十九

五律

九

偶訪仙源路蕭然葉滿山潭空開玉鏡嶺斷隔煙鬟絕壑
松風遠高林鳥語閒相將行樂地落日照蒼顏

芝山懷古

閔汶 邑人

芝山橫北郭誰復採青芸徑冷雲迴影苔荒鳥亂羣仙踪
尋古洞詩塚弔雄文名勝今何在殘碑掛夕曛

游南天寺步韻

史大壯 邑人

為訪先朝碣情孤跡亦孤墻頭栖瓦雀塔下長蘼蕪恥識
楞嚴字曾觀太極圖廢興關係甚感慨不能無

鄱湖感舊

王大壘 邑人

遙望湖天合風恬水自閒檣飛平鏡面人坐玉壺間日瀉

澄澄影漁安蕩蕩灣不堪回首憶奇險渡康山

東湖晚歸

蔣士銓

濕雲鴉背重野寺得新晴敗葉存秋氣寒鐘過雨聲半簷
羣鳥入深樹一燈明行到長堤外湖心月乍生

七言律

唐

送從弟永任饒州錄事參軍

李嘉祐

一官萬里向千溪水宿山行漁浦西
日晚長煙高岼起天寒積雪遠峯低
蘆花渚裏鴻相叫苦竹叢邊猿暗啼
聞道慈親倚門待到時蘭葉正萋萋

承恩量移宰江邑臨鄱江悵然之作

四年謫宦滯江城未厭門前鄱水清
誰言宰邑化黎庶欲別雲山如弟兄
雙鷗為底無心狎白髮從他繞鬢生
惆悵閒眠臨極浦夕陽秋草不勝情

鄱陽縣志

卷十九

七律

送李錄事赴饒州

皇甫冉

北人南去雪紛紛鴈叫汀沙不可聞
積水長天隨遠客荒城極浦足寒雲
山從建業千峯出江至潯陽九派分
借問督郵纔弱冠府中年少不如君

送吳諫議上饒州

王建

鄱陽太守是真人琴在牀頭錄在身
曾向先皇邊諫事還應上帝處稱臣
養生自有年支藥稅戶應停月進銀
淨埽水堂無侍女下街唯共鶴殷勤

送饒州張使君

姚合

鄱陽勝事聞難比千里連連是稻畦
山寺去時通水路郡

圖開處是詩題化行應免農人困庭靜惟多野鶴棲飲罷
春明門外別蕭條驛路夕陽低

前題

章孝標

饒陽因富得州名不獨農桑別有營日暖提筐依茗樹天
陰把火入銀坑江寒魚動槍旗影山曉雲和鼓角聲太守
能詩兼愛靜西樓見月幾篇成

前題

賈島

終南雲雨連城闕去路西江白浪頭滌上郡齋離昨日鄱
陽農事勸今秋道心生向前朝寺文思來因靜夜樓借問
泊帆干謁者何人曾聽峽猿愁

鄱陽縣志

卷十九

七律

二

泛鄱陽湖

韋莊

四顧無邊鳥不飛大波驚隔楚山微紛紛雨外靈均過瑟
瑟雲中帝子歸迸鯉似梭投遠浪小舟如葉傍斜暉鴟夷
去後何人到愛者雖多見者稀

至德途中書事寄李憺

盧綸

亂離無處不傷情况復看碑到古城路遠寒山人獨去月
臨秋水雁空驚顏衰重喜歸鄉國身賤多慚問姓名今日
主人還共醉應憐世故一儒生

南唐

移饒州別周使君

徐鉉

正憐東道感賢侯何幸南冠脫楚囚
皖伯臺前收別宴喬公亭下艤行舟
四年去國身將老百郡徵兵主尚憂
更向鄱陽湖上去青衫憔悴淚交流

宋

鄱陽皮錄事

楊億

松陵遺集占風騷故國田園沒海濤
三世青氍傳舊物十年黃綬歎徒勞
謝塘春草侵魂夢潘縣秋霜入鬢毛
鄱水黃金漫如粟想君終不染脂膏

郡齋即事

范仲淹

三出專城鬢似絲齋中瀟灑過禪師
近疎歌酒緣多病不

鄱陽縣志

卷十九

七律

三

負雲山賴有詩半雨黃花秋賞健
一江明月夜歸遲世間榮辱何須道
塞上衰翁也自知

依韻酬黃灝秀才

再貶鄱川信不才子規相愛勸歸來
客心但感江山助天意難期日月迴
白雪孤琴彌冷淡浮雲雙闕自崔嵬
南方歲宴猶能樂醉盡黃花見早梅

依韻和魏介之同遊玉仙壇

本傳云玉作
遠地仙也

雲壇共上百神清碧塢紅霞相照明
幽草欲迷丹井處亂峯時有白雲生
亭亭翠蘂高杉矗隱隱狂雷落石轟
待得九霄鸞鶴馭玉書應改地僊名

送饒州董博士

諱淵默鹿鳴燕之後舉送詩

番國英豪富魯儒同時舉送起鄉閭文章恥學楊雄賦
論羞談賈誼書喜得明珠三十六恨遺壯士二千餘送君
直上青霄去行看歸乘駟馬車

寄沈鄱陽

時為江東提刑

王安石

離家當日尚炎風叱馭歸時九月窮朝渡藤溪霜落後夜
過麾嶺月明中山川道路良多阻風俗謠言苦未通唯有
番君人共愛沉傳名譽滿江東

題醉心亭

彭汝礪 邑人

紅塵萬里困征鞍喜向幽亭一倚欄日夜水聲趨澗曲西
鄱陽縣志 卷十九 七律 四
南山色上雲端窓橫古木秋容老檻逼蒼崖雨氣寒搜盡
肺腸吟不就欲君親置畫圖看

題醒心亭

萬里江湖逐斷萍紅塵不見北山亭一思好景心魂醉絕
把餘芳眼目醒寒暑忽移江木綠古今長見遠峯青煙蕪
路斷無窮蓋空惜瑯琊舊記銘 醒心亭記鄱陽劉賢良為之

寄臧渾

二月驅車出宋都轉輪即是十年餘可憐老大猶為客莫
怪尋常不作書蠟屐阮孚人不會鱸魚張翰子何如寄聲
青峯地留與先生作隱居

五月二十五日餞安國舍人於薦福洪右史王宗丞
來會坐間用前韻
王十朋

尊酒相逢半八仙
鬢絲我類杜樊川
江東渭北四方客
楚尾吳頭五月天
蓮社濫陪陶令飲
兵厨聊擊陸生鮮
待將紅藥翻堦句
別作番陽一集編

祠顏范二公

鄱江善政九賢人文正文忠更絕倫
桃李舊邦千里愛
丹青遺像兩朝臣
不同赤土祠劉阮
端勝睢陽廟遠巡
安得神仙返魂藥
九原喚起靜邊塵

訪洪景盧別墅

鄱陽縣志

卷十九

七律

五

野處名園景界賒
雨餘風物倍光華
參天先種柳州柳
照眼兼看花縣花
園與縣圖為隣
即席分詩袍奪錦
論文對酒臉生霞
坐間賓主皆人傑
我質如蓬賴倚麻

還舍復用韻以寄

負郭園林路不賒
杖藜隨步賞芳華
芹宮地近分流水
園在芝山門
芝嶺風高送落花
在芝山門
園外梨枝春帶雨
梨花堂
城頭桃樹晚蒸霞
行看共掌絲綸美
寧復卬中詠有麻

鄉人項服善宰鄱陽有政聲
人惜其去用郡圃栽花

韻作詩送之二首

七歲名師世胄賒
雲孫行實副文華
仁心馴及魯恭雉
和

氣種成潘岳花清白見知鄱水月高明相照楚天霞送君
撩我思鄉意遙想家園日長麻

鄱江同事半年賒直諒何人似去華吏報園扉多鞠草民
歌枯木再生花暫留蕭寺行逢雨剩作新詩兩帶霞褒德
自應同卓茂清朝知已况如麻

寄荆南故人

章甫邑人

餘年自拚一虛舟未解尋詩慰客愁梅欲飄零猶醞藉柳
纔依約已風流關心弟妹無黃犬入夢江湖有白鷗別後
故人相念否春風應倚仲宣樓

望戴軒

吳全節道士

鄱陽縣志

卷十九

七律

六

茂林修竹岸西東白鳥行邊釣舸風市井恰當荷蓋外樓
臺渾在柳絲中烟濃湧出金僊塔雲薄飛來玉帝宮更問
戴家何處是放生池沼畫橋通

送張應斗還鄱陽

劉克莊

蕉荔漫山霧雨繁虬鬚客子悔南轅久留閩國誰堪語却
憶番君可與言豪傑雖窮留氣在聖賢不死有書存歸時
洗換征衣了揀箇深山緊閉門

過鄱陽湖次游子明韻

范成大

春工釀雪無端密大塊囊風不肯收休問曉巖與歌側只
今風靡共波流野鷹兀兀平沙上折葦蕭蕭古渡頭滿眼

荒寒底處所令人腸斷五湖舟

元

里中社

黎廷瑞 邑人

蘇石莓牆屋數楹年年來賽社公靈兒童趁節懽如涕父
老傷春涕欲零海燕邊鴻何日了夏松殷栢為誰青村醪
如蜜猶堪醉莫遣東風兩眼醒

九日雨遊薦福寺

小淪孤亭興未闌共為長歲坐蒲團半林空翠濕晴露滿
院秋香吹晚寒弔古并捫碑字讀好奇更借藏經看歸舟
莫笑清狂絕得句從來勝得官

鄱陽縣志

卷之十九

七律

七

送湯師言番江書院山長

袁 易

風土迢迢吳芮邑送君還憶舊羈棲芝山擁郭蒼龍臥番
水黏雲白雁低遠道故應勞夢想一官那得限東西野花
芳草江南路千里秋風入馬蹄

送弟伯溫之廣東僉憲

周 瞰 邑人

繡衣使者出南荒鵬鷲潛形蜃氣藏漢節暫披蠻嶺雪宮
袍猶帶御爐香風清瘴海霜天曉雨洗炎州夜月涼早晚
除書兄手草紅雲須待雁成行

哀饒州守臣唐公

震

劉麟瑞

遊騎如飛漸列營誰呼妓女出郊迎奔踰後圃逃生拙執

辱中庭就死明瓦甕掩形慵屈膝金章繫肘各輸城太常
定謚應無忝贏得中流砥柱名

哀丞相江公萬里知府江公萬頃

名重天閭侍太微昔年南國秉樞機人歸綠野身猶健兵
滿紅塵世已非止水亭前風淅淅鄱陽城外草依依棟華
相映人間瑞節惠隆名世所稀

東湖四景

吳存邑人

艷艷湖光照市閨太平延祐十分春秋千影映紅粧靚鬢
落芳傳綠酒新夢到看花曲江上人疑脩禊洛川濱祇今
能話歌遊樂猶有姜堤白髮民

鄱陽縣志

卷之十九

七律

八

城中地隘暑偏多競泛鷗沙百頃波蕭寺晚涼風愛竹顏
亭晝靜雨鳴荷參差楚產供繫釘幼妙吳音雜棹歌拚取
千金湖上醉人間富貴易消磨

久無人汎錦袍舟誰共湖天一片秋潮落石橫迷古堞霜
飛木落露浮洲雁聲叫月來無盡菰米沉雲散不收漁唱
一聲何處起有人懷古涕先流

訪梅欲覓老逋家小國清寒力漸加雪意動時雲罩樹日
痕薄處凍生花沙邊鶻落飛戎騎箔下魚跳平集釣槎聊
補番君風土記未須持向北人誇

彭忠烈錦袍鐵扇落他姓孫公尹購得有詩次韻

東歸幾日竟南遷
苔沒渝城萬仞鐫
社稷已墟遺古廟
英雄不死作飛仙
空聞扇鐵遮西日
忍見袍花麗晚天
猶有故家喬木在
年年春綠照番川

彭氏母百歲二子八袞

彭鏗之後仍多壽
華萼相輝兩弟昆
白髮百齡堂上母
綵衣五世眼中孫
熙朝優老曾分帛
憲使觀風合表門
惆悵平生懷菊意
春暉無地報深恩

過小渡

葉蘭邑人

草木森森小徑斜
隔溪一簇野人家
蜻蜓雨集青蒲葉
絡緯秋鳴白豆花
匡老山高帶河漢
番君湖近淨塵沙
涼風

鄱陽縣志

卷十九

七律

九

裊裊吹衣袂欲挾飛仙上客槎

送金文振同知還松江

對客淒涼話舊遊
搖搖楚尾接吳頭
山迴紫鳳衝天起
江遠青龍入海流
寄別詩題蒲葉扇
送行人上木蘭舟
愁來重憶華亭路
縹緲雲間十二樓

病起寄黃聲振表弟

為報東城黃校文
好傳近况謾相聞
病來瘦骨清于水
靜處閒心嬾似雲
謝飲不談唐學士
臨書偏喜晉將軍
簾垂深院多岑寂
小鼎團香每自焚

酬寄文學劉彥昂

楊維禎會稽人

西湖湖上春如海雲樹江東獨爾思翠幙畫船魚浪細錦
箏銀甲雁沙遲看花前度劉郎咏載酒重遊杜牧詩書後
欲題三百首老懷不似少年時

侍御周伯溫以行臺羈留姑蘇東寄之 張昱

白頭歲月付流波何物虛名在諫坡屬國莫嫌持節久子
陽猶謂見天多強梁不見圖銷印跋扈如聞欲倒戈一樹
紅梨春事晚宣文閣下欲如何

明

鄱城發舟上荆門 物體

劉彥昂 邑人

霜清繫船楊柳汀酌酒鼓柁將南征魯叟乘桴欲浮海學

鄱陽縣志

卷十九

七律

十

士揚袂曾登瀛白髮彈冠亦奇節金門獻書惟寸誠王府
牙籤三萬軸摩挲老眼慰平生

寄荅劉參謀附至外史方方壺所畫山水

杞楚材

上清外史老方壺書寄參軍貺畫圖天際亂山雲出沒崖
邊殘樹雨模糊興來或與精神聚老去應同草木枯何日
相從騎白鶴掃清碧海看珊瑚

和韻荅劉彥昂

章復 邑人

四載懸車鄱水陰暮年榮際海波深承恩有賜鳩為杖知
已無如鶴與琴老去只存三徑菊生來不識四知金自從

辭祿還鄉後短髮無勞筆載簪

叙鄱陽風土應制

張琬邑人

門倚東湖小浦濱春來景物益精神百花洲接新橋路五
老峯連薦福雲風度鼓鐘孤寺曉煙橫楊柳萬家春風光
尚想還依舊上苑題詩得具陳

題鄱陽小隱圖

童軒邑人

鄱江西上是吾家簾捲青山寂不譁楊柳晚煙迷燕壘
蕪春雨漲鷗沙牙籤插架堆書帙竹筍懸流泊釣艇今日
長安看圖畫不勝歸興繞天涯

寄印時雍

鄱陽印先生遠示傑作二章仰切垂愛之厚感慰兼極衰疾龍鍾無足為故人道者

鄱陽縣志

卷十九

七律

十一

勉據來韻少布區區之忱耳倘過遼陽之便假手錄寄以發克恭黃門一笑幸甚

陳獻章

昔從天上拜彤庭一別官河幾度冰豈有文章供史館漫
將袍笏對山靈數株松菊猶三徑兩棹風煙又入溟欲寫
漁翁寄廬阜眼中誰解辨丹青

綠水青山置我曹江西遼左一神交短籬霜菊誰供酒破
屋秋風自補茅勲業都歸窓下枕行藏更問易中爻痴兒
多病慈親老不向清時嘆繫匏

遊浮洲寺

拘體

羅洪先

吉水人

湖邊草深煙欲生湖上風吹雲倒橫今我作客發清興有

人奏笛來幽聲青天落水低樹合白鳥弄波斜日明蕭然
對此亦何意枕石讀盡南華經

水南晚眺 拘體

甘瑾 餘干人

山風蕭蕭羣木落寒日黯黯孤猿啼江雲欲雨復不雨野
鳥將栖還未栖歸人入夜望煙火行子傷秋聞鼓鼙水南
山川繞城市正好買地躬耕犁

題芝城南天寺

淮藩朱願仙

遊徧饒城多少寺南天勝境世間殊喬松帶露龍鬚濕老
樹參天鹿角枯曉聽山僧翻貝葉夜看禪客坐團蒲門前
一派長清水隔斷紅塵半點無

鄱陽縣志

卷十九

七律

十二

前題和韵

淮藩朱坦仙

寺曰南天今古別禪關方丈果然殊碧沅萬載皆常遠翠
栢千年尚未枯衲子幽居宜寫菊山僧靜界愛栽蒲清風
明月堪為侶半夜鐘聲有也無

寄胡竹亭侍郎

夏言 貴溪人

杖藜徑裡鳩筇健賓野堂中鶴髮明萬古芝山供老眼四
時春酒助閒情青雲故舊天涯夢白日神僊地上行聖主
已生皇太子老臣歡舞泰階平

送舒進士歸養

陳以勤 南克人

藍袍進士重綱常心戀庭闈返豫章鳳闕已除清夜夢馬

蹄遙為白雲忙錦衣春艷堯山色廿日時分漢殿香忠孝
從來同一道丈夫誰謂負君王

弔胡忠烈公

閩民曰萬歷甲戌陳太守吾德抵饒語士

學術饒第一人鄉邑建祠聖天子第一事胡先生
年矣敢復後乎日夕覓胡家橋故地不得越歲得
郡庫西地舊軍局也買地移局又買劉氏地廣之
竭力為公祠前堂設香案覆帷帳歲修祀事後為
寢既完且壯適侯直指按郡詳始末以聞甚嘉之
益以院緩百金克拓書院堪容士人講學其中景
前蔽振後學造士報國盛事也無何以江陵毀天
下書院議遂寢陳先以給諫直言削籍江陵起之
復忤江陵王篆承風旨毛舉細事
耿定向黃安
中之復謫去余特叙之紀以詩

無疆大歷幼皇嗣四海寒樓入夢思十族忠魂孤鶴淚九

重丹詔螫龍飛年餘二百渾長夜忽震轟雷信有時海表

鄱陽縣志

卷十九

七律

十三

文翁陳郡守獨扶風教勅新祠

前題

陳嘉訓 邑人

節義由來本性生豈緣激亢與邀名眼前一死輕飛羽沒
後三綱重柱擎東土勤勞禾偃電雷陽精魄竹回萌古來
忠信渝金石此日英風莫浪驚

重至鹿洞書感示同志

史桂芳 邑人

紫陽學脉千秋炯子靜流薇奕世傳今日來遊欣識路當
年問業愧先鞭誠明應到無虧處義利須嚴未發前聖澤
有源逢易易好從深造勵仔肩

重陽同周方伯印太守禪林者會分得微字

嚴彪 邑人

曉來聯轡出郊圻，乘醉登臨興不違。
看菊已過元亮徑，尋詩又扣遠公扉。
碧雲樓閣青山近，紅葉江村白雁飛。
拭目直須凌絕頂，蒼茫五老望中微。

得請歸養志喜

劉應麒 邑人

陳情暫許返初衣，正好尋春作伴歸。
但使庭闈長鶴髮，敢辭歲月舊漁磯。
供甘何必千金橐，容膝還依白板扉。
慙負主恩無以報，聊將寸草答春暉。

西湖別業

在贛洲

姜金和 邑人

湖上開筵欲報秋，瀟瀟梧竹助清幽。
移尊步向青山塢，放艇還過野水洲。
明月沉波天入鏡，浮雲落地氣吞樓。
已餘景物添佳興，况復相知聚倡酬。

鄱陽縣志

卷十九

七律

十四

喜劉道徵岳伯齋捧旋里賦寄

朱多炆

廬岳春雲並馬鞍，別君曾在九江干。
天邊畫錦重旋里，枕上晨雞早問安。
藥草不蘇經歲病，梅花遙寄尺書寒。
冰漸夜合宮亭水，強起褰裳欲渡難。

春日登芝山為陳子稊邀飲姜司成園

翠積芝山湖水涯，憑高山水闢清華。
山藏佳氣王侯宅，水雜書聲太史家。
敲火自燃林下竹，汲流初試雨前茶。
雅知愛客深投轄，不畏嚴城急暮笳。

送朱履中尋紫芝社兼懷劉中丞

方 沆 閩人

青尊共醉竹林幽芳草王孫賦遠游夜棹沿迴疑刻曲故人
繾綣得荊州章門樹色孤帆過彭蠡波光一鏡收見說
徵書來綠野可容文酒日淹留

九江王故宮 英布

史乘古 邑人

翠檻珠簾一望空誰論當日有高功夕陽城郭啼烏裏衰
草樓臺落雁中翻盡舞衣悲夜月弄殘歌管怨秋風祇今
漢帝恩何在惟有林楓帶露紅

過魏石山

宋岳武穆統兵
經此留題尚存

石磴參差勢欲頽蕭森林木峙崔巍蒼烟捲自山巔出白

鄱陽縣志

卷之十九 七律

十五

月流從澗底來對岸疎陰橫客棹平江秋水映巖苔回看
武穆留題處百萬雄兵酒一盃

村晚

程 巨 邑人

花飛南垞映吾廬坐對青山擁異書桃李無言迎社雨桑
麻成蔭夾春渠人稀野徑偏驚犬客至鄰家各捕魚何處
田歌歸犢晚亂霞平渚颺春鋤

寄懷賀澹餘

王應斗

對酒金陵廿載期春風不斷故人思愁來芝嶠雲深夜笑
看蓬萊水淺時白簡舊驚南國史斑衣新捧北堂卮鱗鴻
偶破并州夢不覺憑軒涕欲垂

九日飲芝山寺次夷庚王孫韻

劉美炫 邑人

策杖寒林又短隄好風吹面共招携
老松揖我為奇語芳草留君續古題
幾處茱萸尊丹葉伴一堂鐘磬白雲
栖交情莫悵秋遊晚再約黃鸝到此
啼

宿戴氏園亭

賀登選 邑人

海棠蓉粉半窓開短短池亭淡淡栽
幾處藥欄堪燕坐一尊清興有朋來
江聲夜作驚書枕月色平分破碧苔
伐木喧秋人境裡颺然小徑出烟埃

清明遊芝山

王良欵 人

早發舒旗綠映川新泉初汲滌痕鮮
客能化我來山寺譚

鄱陽縣志

卷之十九

七律

十六

且猶人作俗詮倚杖聽松棲鳥去
脫巾蟠草抱麈眠殊庭只此忘機是
莫守黃芽望石田

和並翁張公祖番君廟種竹原韻

史簡 邑人

苗黍芑芑綠滿村又分郇雨膏龍孫
貞心未入稱忠令勁節先騰出整根
胡忠烈公嘗畫松廟壁名蒼虬出空圖矯若丰姿斤斧謝蒼

然骨幹典型存遙知異日難誼處影
接棠陰到國門

國朝

集死難諸臣傳

史白 邑人

青燈碧血共黃昏雨過疎林靜掩門
千古峴山堪墮淚九秋湘水又招魂
斯文喪後天機息供史傳來國系尊
葬骨

莫愁無淨土典型長為老成存

九日舟中憶家園

史彪古 邑人

病骨輕舟興若何晴霞片片映煙波暮帆千里懸秋色成
柝三更接曉歌醉裏攤書燈影亂床頭望月客思多故園
叢菊衡門外孰是柴桑載酒過

步韻答賀澹餘

曹奏績 邑人

非必客中方作客却於人外別為人論經雅欲疏同異紀
事當能覈偽真老眼可隨湖水濶閒心尤與嶺雲親憐余
不及相晨夕寂歷谿山一病身

東湖夜泛酬曹底可隱士

郡守 翟鳳翥

鄱陽縣志

卷十九

七律

十七

月滿湖亭雨後生飄飄一葉片雲橫杯中倒瀉林中影絃
上輕流石上聲魚鳥三更皆欲醉水天一色不知明歸來
長憶同舟樂枕藉東方尚說經

送王左人歸番

孫 籀

龍光紫氣逼豐城符節宵征勅使驚喜有文心飛白鳳欣
聞蔚變食青苹敢云裴儉能前識不道東亭駐遠旌此夕
杏花尊酒後悠悠彭蠡不勝情

送史聚菴省侍旋里

熊一瀟

鸞章鶴繡艷征車黃菊丹楓指故廬文武兩行趨馬帳起
居八座向潘輿鷄林爭購焚餘草祿閣還藏校後書遙望

芝雲迎晝錦椒觴欣值綠衣初

勘白溪圩遇雨

邑令 鄭邦相

半為網罟半為農况復桑田水可封所到車塵皆額感向
余雞黍亦情濃荒涼暮落雲千樹氤靄時來雨一峯父老
無須留馬首棲遲又聽隔山鐘

春日同王孝廉左人飲芝山

邑令 蔣如瑤

玉筍光分芝岫雲尊開北海意同傾晝閒碧草門如水夜
靜花香錦作城兩脚宜從歌底度詩脾偏向醉中惺歸來
剪燭頻敲句山寺鐘鳴雜漏聲

芝城感懷

江 臯 桐城人

鄱陽縣志

卷十九

七律

十八

分得芝城十日春烟波晴雨占湖濱疎狂不耐塵中客肝
膽難逢世上人對酒偶沽還獨醉有山堪眺莫言貧吾家
正氣留千古止水池邊極目頻

題高帝井

在南

程建章 邑人

銀床玉甃高皇蹟極目河山一井存鳳去碧梧空月落龍
蟠怪石有雲屯寒泉未解野人渴滴水難忘先代恩感慨
碑銘遺句在秋風荒樹幾聲猿

次胡彥遠弔淮宮韻

苔深煙莽舊藩宮桐葉曾留帶礪雄鵠去幾年啼怨血龍
歸何處哭遺弓青燐晝舞荒台草碧瓦春飄古殿風淮桂

不堪回首憶傷心銅狄恨應同

東湖坐伴鷗亭

郡守黃家遴

百頃煙波一葉舟恍疑身向鏡中遊
閣紅隔斷市闌遠翠飛來霧靄收
鷗導莫教驚怖鴿宦情真欲伴浮鷗
樂天饒有滄洲趣也為湖山一半留

開濬畫橋

邑令王克生

湖邊佳氣鬱嶺岿穿市過橋畫裏看
錦繡樓臺聯雉堞煙波簑笠散魚竿
橋跨東湖之側 疏澄自此憑靈秀
浩蕩方堪縱羽翰極目江山歸掌握
飛鴻點點上雲端

薦福寺志感

鄱陽縣志

卷十九

七律

十九

薦福年多四海名却憐碑字受雷轟
剌深紅葉秋霞滿客散花陰曉露輕
香每隨雲穿樹去鐘還帶月送舟行
相過半日尋常事慚愧無閒對老僧

賦得佳氣滿山川應制

左有言 邑人

望裏風光迥不羣鬱葱佳氣自氤氳
香凝珠樹浮堯彩色映瓊枝動舜薰
蕙壑晴霞依曉日千峰瑞靄帶斜曛
驚看最是

宸遊處草木欣欣遍五雲

讀胡忠烈公英風紀異

徐人元 邑人

骨比蒼龍節已堅高皇應久識忠賢
孤臣血化三年碧十

族霜飛六月天紙檄誰騰雲閣裡荒祠人掃斷橋邊傷心
城郭都非昔蘋藻何時復几筵

飲湖上

饒光春

萬頃湖光一葉舟蒼巒粉雉坐來收尊前忽盡東南美天
際真從陶謝遊風過亂荷徐薦爽雲依深樹遠含秋紅塵
聚散君休問且醉閒身與狎鷗

芝山望五老峯

周道興 邑人

山外名山第一峯遙瞻五老被雲封嵐孤星際明還滅影
落江湖淡若濃縹緲岩空遊白鹿依稀日色透青松極天
飛瀑流彭浪錯認驚濤起卧龍

鄱陽縣志

卷十九

七律

二十

芝山登高

九月九日上危邱止水英風萬古留山落夕陽生雨脚浦
連帆影出雲頭遙天唳鴈題紅葉高樹棲鴉亂素秋王范
遺詩空在壁月明夜夜送江流

登芝山和山寺壁間韻

史大壯 邑人

休笑峯頭躡屐遲登高誰獨不繇卑喜茲細草隨時綠除
却春風莫我知縱目未為天所礙懷人宛在水之湄舞雩
狂致雖無似乘興歸來也咏詩

東湖漫興

萬頃湖光洗俗根幾回吟嘯倚衡門寶幢僧舍飄雲擁石

獸卿墳沒草蹲歌妓畫船朝露散族秦毅魄故臺存此中
託業漁家好不用經營過別村

曾子嶺

地在儒堂相傳曾南豐讀書之所南豐厭蛙聲喧聒禁之即不鳴嶺上竹葉有墨點居人

號為曾子竹

卅里儒堂曾子嶺南豐講業在當時喧庭鼓吹祛蛙部映
水琅玕染墨枝地以名賢常見重世何浪說不能詩派風
竟息麻成隴一為斯文咏黍離

過利陽鎮有感

史同人 邑人

戎馬縱橫甲乙間居民牆屋未修完無涯寺裏鼓鏞咽

郭璞山主僧名能詩工書

英布城邊草木寒田路紆岐迷虎落江流涸

都陽縣志

卷十九

七律

三十一

濁抱牛山撫今追昔情何限欲說人知說最難

臨淮耆舊為先君立碑寄謝

周 燾 邑人

遺愛先人愧未多礮碑聞說近淮河道旁到底存公論官
小何妨有咏歌難得輿情歡協力漫勞大吏苦張羅峴陽
淚落當年事雲母山頭忍再過

秋日遊南天寺

程 達 邑人

蠟屐尋秋古寺前黃花歷亂凝寒煙一龕佛火忝禪理幾
曲清渠隔世綠翠栢參差紅葉外殘碑零落白蘋邊西風
昨夜蒲團穩坐聽楓林噪暮蟬

弔故淮宮

余日燦 邑人

豈獨南朝事可哀
淮藩故址重徘徊
鶻從禾黍風中泣
花向荆榛路上開
航海不歸監國夢
聞雞誰是渡江才
最憐夜半宮前火
漫與咸陽辨劫灰

三賢祠課文

王大垠 邑人

芟却榛蕪盛典光
維持大道見津梁
芸編靜挹春風暖
化雨頻催墨瀋香
筆綴落花紛漾錦
座聞啼鳥細吹簧
文思物理爭相逐
鼓舞難忘教澤長

過故淮宮

蔣堅 鉛山人

鷄犬何曾到上頭
淒涼也似小山秋
宮門晝掩人鋤菜
雪洞昏黃客飯牛
一種寶釵埋恨骨
百年華屋變荒邱
神仙

鄱陽縣志

卷十九

七律

十一

富貴原難並
莫與劉安較
去留

鄱城即事

章甫 餘干人

入望澄湖照客愁
離離芳草遍荒洲
崢嶸甲第更新主
條戒河山說故侯
鷺坐桃隄空睨睨
蜨飛柳苑漫勾留
憑君細數當年事
無限韶光付水流

送黃獲却師移任鄱陽

張紹渠 鉛山人

三縣花封留宦蹟
雙鳧飛處頌聲同
西山朗暎潯陽月
芝水遙承穎上風
得第文章推國士
傳家冰玉動宸衷
隨車雨露思明德
又見循良借寇公

當年詞藻擅鴻名
分校登壇問主盟
蝌蚪傳經揮玉尺
龍

文辨氣識豐城一泓止水澄南浦千里秋光仰北平自愧
樗材懷御李雲霄幾許達心旌

汪洋千頃仰名儒問字何年起故吾山斗從隆依絳座笙
簧優渥感微軀燕雲色惹秋鴻遠蠡水潮涵夜月孤去謁
于門瞻紫氣老成林下得趨覓

春仲往鄱陽謁康山忠臣廟二首

黃煦 廣昌人

康郎山色對湖開碧血猶濺救主槐襄漢鯨鯢翻巨浸濠
梁龍虎集羣才宮亭傾滿英雄淚畫角吹殘草木哀三十
六公遺像在鬚眉不減漢雲臺

春帆東指掛斜暉湖畔芊芊草正肥白骨沉江餘戰壘丹

鄱陽縣志

卷十九

七律

十三

心塗地染征衣孝陵抔土松楸鬱彭蠡淒風燕雀飛瞻拜
徘徊天欲暝怒濤千頃震靈威

五言排律

唐

送歸中丞使新羅即祭

吉中孚 邑人

官稱漢獨坐身是魯諸生絕域通王制窮天問水程島中
分萬象日處轉雙旌氣積魚龍窟濤翻水浪聲路長經歲
去海盡向山行復道殊方禮人瞻漢使榮

至鄱陽尋陶十七不遇寄贈

劉長卿

謫宦投東道逢君已北轅孤蓬向何處五柳不開門去國
空回首懷賢欲訴冤梅枝橫嶺嶠竹路過湘源月下高秋
雁天南獨夜猿離心與流水萬里共朝昏

鄱陽縣志

卷之十九

排律

送李萬州赴饒州覲省

皇甫冉

前程觀拜慶舊館惜招攜荀氏風流遠胡家清白齊川迴
吳岫失塞澗楚雲低舉目親魚鳥驚心怯鼓鼙人稀漁浦
外灘淺定山西無限青青草王孫去不迷

奉和第五相公登鄱陽郡城西樓

耿漳

茂德為邦久豐貂舊相尊發生傳雨露均養助乾坤曉肆
登樓目春銷戀闕魂女牆分吏事遠道啟津門溢浦潮聲
盡鍾陵暮色繁夕陽移夢土芳草接湘源封內羣甿復兵
間百賦存童牛耕廢畝壕木遶新村野步漁聲溢荒祠鼓
舞喧高齋成五字遠岫發孤猿一顧承英達多榮及子孫

家貧仍受賜身老未酬恩屬和瑤華曲堪將繫組綸
元

覽周左丞伯溫壬辰歲拜御史扈從集感舊傷今敬

題五十韵

王逢

華夷今代壹畿甸上京遙遊豫尋常度恬熙屬累朝六飛
龍夾日獨角豸昂霄御史箴何忝賢臣頌早起咨諏新境
俗觀采衆風謠文用彌邦典忠惟振憲條執徐當景運仲
呂浸炎歊愠解民心結煩除聖念焦雨工趨汎掃市令薄
征徭大口謹移蹕庸關肅衛刁縉雲峯立曉薌月水涵宵
微道臣臣俊清塵騎騎驍豹驅嚴御勒駝象妥鑿鑣儀仗

都陽縣志

卷之十九

排律

二

真如畫車徒不敢囂侏言來部落皮幣贄荒要岳牧恭迎
辟封人願祝堯六宮程緩緩列寺思飄飄絲裊雙行鞵瓊
鳴雜佩瑤寶鈿榆莢小錦扇草花嬌綉襖珠鞵絡香鬟玉
步搖婕妤辭並載王母會頻邀拾翠深沙嶺梯虹複澗橋
天長躔北日斗近建南杓珍味高陀鼠丹馨散地板廬兒
分逐兎土屋競停雕白貉衣溫座黃羊酪凍瓢桓城金合
沓灤闕紫嶠嶢社稷尊王統山河固廟祧明明神爽降秩
秩禮文饒寵遂光幽朔畋同閱獮苗蹕林圃已舉欵塞福
皆徼棕殿三呼歲楓墀九奏簫祝融回酷暑少昊戒靈飈
舊制先回轂良辰次起軺謝恩多帝胄紀實得臺僚至治

音俱雅於皇德孔昭相如慚禪議謀父感祈招蕞爾靳與
稜紛然穎煽妖漕輸橫蜃鱷銜祀缺管蕭邊警初傳箭軍
容半珥貂薦添烽埃迫有甚火雲驕衣服中垂拱微垣外
寂寥幾多遺鶴髮曾共望鷄翹二洛遙通晉三韓復入遼
不無雙國士正賴一嫖姚求劔舟難刻更弦瑟好調扶顛
須砥柱撥亂豈芻蕘戎幕辭巢父詩壇老伍喬式瞻阿閣
鳳馴止泮林鶉併論公殊蹟吾知邁董鼂

寄題番陽周子震金潭山居

名叟

傅若金

大氣生磅礴玄功接杳冥江開吳楚白山矗斗牛青玉牒
呈天秘金陂泄地靈百盤工取勢千疊互殊形石吐高低

鄱陽縣志

卷十九

排律

三

筍峰羅大小屏忽如森隊仗復似倚娉婷六六移諸洞三
三映列星靜宜營道室幽或下仙駟客有依文物兒皆尚
典刑卜臧思買宅佩訓謹趨庭娛老心能遠登高步每停
艱難成宿志窳窳慰千齡雨潦供漂木神祇助薦牲史留
徐禪傳碑勒蔡邕銘碧水通銀漢蒼霞護石扃暝迷中谷
路晴見隔溪亭鳳穴含飛旭龍湫蓄震霆倚廬浮曉霽行
徑俯清冷鸞鶴軒羣岫龜蛇汎遠汀陰陽相抱負存沒總
安寧種竹期成實栽松擬茯苓久居鄰吠息清誦野猿聽
夜燭吹藜杖朝餐啜土釧馬卿能作賦韋氏舊傳經伯仲
翔鵬鴉東西念鵲鴿碎雖初識面京國共漂萍磊落珠藏

櫝光芒刃發矧即看培業遠誰得限修翎何日過彭蠡從
君載醪鄴遂求靈運屐一往眺林垌

明

送姜節之使楚藩歸鄱陽

吳國倫

興國人

天子分桐葉詞臣下栢梁共憐星是使况乃玉為郎江漢
環宗室風雲護帝鄉居人思過沛太史復浮湘興矚東南
壯尋盟帶礪長晴山開絳節高浪出牙檣楊柳停旌艷椒
蘭設醴芳采風從爾得歌雪更誰狂客有探萍實才應賦
葯房樓臺招鶴馭環珮憶鴛行六傳中原路雙峯北斗傍
緘書如有憶歸鴈自衡陽

鄱陽縣志

卷十九

排律

四

鄱陽舟中漫筆

孫曉

擊楫中流坐鄱湖四望迷天空疑日近水遠覺山夷北去
飛雲夾東還化日遲落霞棲島嶼野卉浸漣漪霧合愁仍
雨風生喜順旗急流知勇退福祉本危基履險心猶壯爭
先氣未衰停橈閒訪古沽酒酌荒祠

秋日同友人泛東湖

劉應麒

邑人

剝有南樓興還登湖上舟晚涼堪衣袷柔艣不驚鷗月出
輪猶滿波搖岸欲浮吳歌聞白苧楚舞見青樓縱飲愁瓶
竭追歡逼夜道漁燈疎欲滅河影淡將收老去稀同輩歡
來緩百憂自憐遲暮日得逐少年遊

五言絕句

唐

憶鄱陽舊遊

顧况
姑蘇人

悠悠南國思夜雨江南泊楚客斷腸時月明楓子落

題鄱陽蕭寺

不知何世界有處似南朝石路無人掃松門被野燒

元

題義合寺

徐瑞
邑人

枯根絆老石槁葉填古逕四山悄無人鏗然一聲磬

明

鄱陽縣志

卷十九

五絕

題蒼虬出壑圖

胡閏
邑人

幽人無俗懷寫此蒼龍骨九天風雨來飛騰作靈物

過胡家橋書感

郡守陳吾德
新會人

淒淒復淒淒孤猿向月啼荒原堆白骨長恨古橋西

芝山春遊

祝世祿
德興人

溪山春正半載酒烏邊亭取醉非吾事乾坤忌獨醒

咏廬墓贈朱孝廉

陳嘉訓
邑人

馬鬣封成後築室枕山邱日暮西風起松聲處處愁

鄱湖即事

傅朝佑

彭蠡天為岸匡峯霧作林扁舟橫破浪遙對五雲深

題郭璞峯

史乘古邑人

仙跡何年別燒丹鼎尚存松風吹不斷落日半闌門

讀書胡公祠

文章千古事花鳥一春閒午夜驚風雨蒼龍不可攀

芝山

程汝成邑人

山出市舍卑蹇林立庭戶蕭然亦何言隔城共煙雨

鄱陽縣志

卷十九

五絕

二

七言絕句

唐

山居

盧綸

登登山路何時盡
汨汨溪泉到處聞
風動葉聲驚犬吠
幾家松火隔秋雲

答鄱陽客用藥名

張籍

江臯歲暮相逢地
黃葉霜前半夏枝
子夜聽詩向松鞋
心中萬事喜君知

宋

過鄱陽湖先寄洪守唐介待制

趙抃

鄱陽縣志

卷十九

七絕

上冢家留榮且哀
贛民應怪苦徘徊
鄱陽湖與天同濶
不惜乘風破浪來

屏間偶題

監酒稅 劉季孫

風吹燕語落梁間
底事來驚夢裏閒
說與旁人渾不解
杖藜携酒看芝山

山村即事

彭汝礪 邑人

莫笑農家老酒尊
豐年留客足鷄豚
山重水複疑無路
柳暗花明又一村

巢燕初至

一雙掠水燕來初
萬點飛花社雨餘
辛苦成來君莫破
從

來吾亦愛吾廬

名郡之東門曰永平書一絕

王十朋

鄱水新門號永平永平何止一鄱城願言廣此平天下黎庶長無愁嘆聲

芝山勸農

出門非為采靈芝端為農時不可違我欲勸農農勸我田園薄有早須歸

予自饒易夔以七月九日行饒人遮道挽留易輜由間道而去提點何德獻相追不及以詩見寄云斷轎截鐙亦堪憐始信林間別有天微見兵機第一

鄱陽縣志

卷十九

七絕

二

義朱轎暫席廣文瓊因次其韻

誤辱鄱陽士庶憐閉門不許出朝天門名間行雖乏相如壁得句全勝子敬瓊

寄題鄱陽一江亭

一江明月夜歸遲瀟灑齋中小范詩亭自我名猶未賞夢游江靜月明時

薦福寺

并序

王阮

乾道初予領鄱陽貢事實棘薦福寺以試堂下巖桂盛開為護持之淳熙八年再至為賦一首

十七年間一夢迷重來渾不辨東西院中誰識前時客莫

莫堂前老木犀

鄱陽郡圃偶題

林希逸

曲階倚杖行疎影柳花度竹黏衣領臺根三兩落殘梅時
見幽禽窺野井

元

東湖卽事三首

黎廷瑞 邑人

游絲窈窕織春暉楊柳人家半掩扉一片暖雲篩雨過杏
花疎處見鶯歸

梅徑苔花長綠衣僊翁跨鶴不曾歸五陵年少無聊賴幾
陣風鈴放鴿飛

鄱陽縣志

卷十九

七絕

三

萬頃湖波水渺茫兩堤新綠柳絲長晚來疎雨浮鷗外何
處漁郎泛小航

東湖漫興七首

葉蘭 邑人

百花洲渚漾晴暉野色青葱好染衣寂寞離亭天欲暮水
田漠漠鷺鷥飛

綠柳黃蘆紅蓼花晴波瀲灩擁寒沙鴛鴦水閣雙雙並都
是臨溪賣酒家

風漫蘆花沒釣船雁聲歷歷叫寒煙摩挲醉眼秋江望欲
倩王維畫輞川

柳林巷口夕陽低慘慘昏烟鴉亂啼漁父賣魚還買酒相

呼齊過畫橋西

醉擁青綾怯夜涼
小奴移棹泊橫塘
波光如洗月華白
簌簌芙蓉兩岸霜

酣醉蓬窓發棹謳
西風颯颯鬢毛秋
起看吳芮祠前路
惟有長江不盡流

澹烟輕罩魯公亭
楊柳絲絲蘸水青
畫舫女兒雙蕩槳
唱歌相答過沙汀

題鄱陽方氏心遠亭二首

黃清老

湖上千峰碧染衣
琴軒春雨白鷗歸
無人共識乾坤外
燕子南來雁北飛

鄱陽縣志

卷十九

七絕

四

柴門垂柳曉啼鴉
露徑苔封芍藥芽
分得鄱陽雲一片
自携春雨種黃花

丙戌除夜泊舟東湖用白石歸苕溪韵書懷

徐瑞邑人

出山歸隱計無成
舟泊菰叢膠斷冰
記取東湖風雪夜
青瑩一點隔林燈

城郭人家餞歲寒
裁紅剪翠饌春盤
湖濱老圃無時態
繞屋畦蔬向曉看

隔岸重門笑語微
搖搖燭影颭簾衣
翠環玉指筌篿夢
尚識輕舟天際歸

歸撫蒼松笑一場
誓無滋味博西涼
春風爛熳春雲熱
釀取松花一甕香

明

寄叅贊劉彥昂從征南閩

劉基

折柳龍河春尚寒
畫船槌鼓出長安
遙知別後征行處
橫槊題詩渡劍關

與陳伯寧連榻劇談有感

劉彥昂

邑人

醉來拔劍斫珊瑚
懶向侯門更曳裾
夜半聞雞眠不着
草堂秋雨讀陰符

鄱陽春興

董應辰

鄱陽縣志

卷十九

七絕

五

未見烏衣營舊巢
漸看柔綠接芳郊
東風不解青人髮
剛欲年年染柳梢

為鄭節婦金氏

布政

林景清

三山人

年少發居重可哀
姑垂白髮子方孩
寒燈夜織千行淚
博得天恩幾字來

浮洲望諸山時老僧病起相迎

雲谷

天際樓臺半有無
靈芝風雨隔東湖
看山道士芒鞋綻
臥病維摩竹杖扶

答劉道微

王世懋

篝燈語罷及春雞
醉裏流雲碣石迷
莫恨坐深無片月
君

家元自有青藜

南天寺

祝世祿

半榻松雲對鶴眠
浪疑人在蔚藍天
風林不秘聲聞法
窺水瓶花裊篆煙

讀書浮洲寺

劉應麒

邑人

風雨蕭蕭湖上扉
我於此處可忘機
更栽十里綠荷芰
他日歸來好製衣

登鄱陽南城樓

吳懋謙

憑高何處白雲齊
回首鄉閭望轉迷
滿岸荻花銀雁落
夕陽秋色大江西

鄱陽縣志

卷十九

七絕

六

國朝

經番君廟淮邸廢址

王良

歙人

漢廟猶存舊邸空
仙家雞犬避雄風
盱衡不盡成孤嘯
雪後春山夕照紅

落日湖上

涼風瑟瑟野悠悠
暮色驅人不可留
天末碧雲吹欲斷
萬山啼鴉水蒨秋

雪月

史彪古

邑人

上下清光澹欲無
千山白練一輪孤
寒吟不用燃膏繼
今夜同君坐玉壺

夜雪

翟鳳翥

王梅零落未花殘
湖上尋詩有四難
東郭屐穿羞整鶴
袁公高卧不知寒

淮宮芳草

王大壩
邑人

故國豪華化碧塵
止餘芳草自爭春
年年披拂晴煙暖
輸與銅駝作繡茵

鄱陽縣志

卷十九

七絕

七